

JOHN 1.

GOSPEL JOHN.

1 Kε eritöñö Ikö odu, Ikö önyuñ odu ye Abasi, Ikö
2 önyuñ edi Abasi. Kpa Enye odu ye Abasi ke eritöñö.
3 Oto ke Enye enam kpukpru ñkpö ; ndien mitoho ke Enye
4 inamke ñkpö baba kiet eke enamde. Uwem odu ke Enye ;
5 ndien uwem oro edi uñwana owo. Ndien uñwana ayama ke
6 ekim ; ekim inyuñ ikanke enye. Owo kiet ekedi, Abasi
7 öködöñ enye, enyiñ esie ekere John. Enye edi nte ntiense,
man enye edi ntiense uñwana, kpañ oto ke enye kpukpru
8 owo ekpenim ke akpanikö. Enye idige uñwana oro, edi
9 *edi* man edi ntiense uñwana. Oro edi ata uñwana, emi
añwañade kpukpru owo kiet kiet, emi edukde ke ere-
10 rimbot. Enye odu ke ererimbot, enyuñ enam ererimbot
11 oto ke Enye, ndien ererimbot idiöñöke Enye. Enye
etiene oruk Esiemö, ndien mö emi edide oruk Esiemö
12 inyimeke Enye. Edi adaña owo nte enyimedede Enye,
Enye önö mö unen ndidi nditö Abasi, *kpa* mö emi enimde
13 enyiñ Esie ke akpanikö : emi emanade, itoho ke iyip,
inyuñ itoho ke erinyime öbukidem, inyuñ itoho ke erinyime
14 owo, edi oto ke Abasi. Ndien Ikö akabare edi öbukidem,
önyuñ oduñ kotu nyin (ndien nyin ikokut uböñ Esie, uböñ
nte eke eribon Eyen Ète kierakiet), öyöhö ke mfön ye
15 akpanikö. John etiñ ikö ntiense abaña Enye, önyuñ

JOHN 1.

- ofiori ete, Edi Enye emi ke ami ñkabaña nte, Enye emi etienede mi ke edem ama akabare edi ebe-iso mi : koro
- 16 Enye ekebemde mi iso odu. Koro oto ke uyöhö Esie
- 17 kpukpru nyin imenyene, mfön ke mfön. Koro ekenöde ibet ke ubök Moses ; mfön ye akpanikö edi ke Jesus
- 18 Christ. Baba owo kiet ique Abasi ndomo ini kiet ; Eribon Eyen kierakiet, emi odude ke ikpanesit Ète, Enye ama ayarare *Enye*.
- 19 Ndien emi edi ikö ntiense John, ke ini Me-Jew edöñde me-oku ye me-Levite èto ke Jerusalem ètiene Enye
- 20 èbup enye, ète, Afo edi anie ? Ndien enye onyime, inyuñ ikañke ; enye önyuñ ayarare ete, Ami ndige Christ.
- 21 Ndien mö èbup enye, ète, Nso ndien ? Me afo edi Elijah ? Ndien enye ödöhö ete, Ami ndige. Me afo edi prophet
- 22 oro ? Ndien enye öbörö ete, I'ih. Ntem mö ödöhö enye, ète, Afo edi anie ? man nyin ida ibörö isök mö emi
- 23 edöñde nyin. Afo ödöhö didie abaña idemfo ? Enye ödöhö ete, Ami ndi uyo andifiori ke desert, ete, Èneñere
- 24 usuñ Jehovah, kpa nte Isaiah prophet ödöhöde. Ndien
- 25 mö oro èkedöñde èto ke Me-Pharisee. Ndien mö èbup enye, ète, Nsinam afo onimde baptism ndien, ke afo
- 26 mudige Christ, me Elijah, me prophet oro ? John öbörö mö, ete, Ami 'nīm baptism ke möñ : owo kiet ada ke uföt
- 27 mbufo, emi mbufo midiöñöke, *kpa* Enye emi etienede mi ke edem, emi ami mendotke nditat uruk ikpa-ukot Esie.
- 28 Èkenam me-ñkpö emi ke Bethany ke edem Jordan oko, ke ebiët eke John onimde baptism.
- 29 Mkpöñ enye okut Jesus asañade etiene enye, önyuñ ödöhö ete, Sese, Eyeneröñ Abasi, emi emende midiöñkpö
- 30 ererimbot efep ! Emi edi Enye eke ami ndöhöde mbaña Enye, nte, Owo ke etiene mi ke edem emi akabarede edi
- 31 ebe-iso mi : koro Enye ekebemde mi iso odu. Ami ñkönyuñ ndiöñöke Enye ; edi ke abaña emi ke ami ndi, 'nonīm baptism ke möñ, man èkpeyarare Enye ènö Israel.
- 32 Ndien John etiñ ikö ntiense ete, Ñkokut Spirit oto ke
- 33 enyöñ ösukhöre nte ibiom odoro Enye ke idem. Ndien ami ñködiöñöke Enye : edi Enye emi ödöñde mi ete 'nīm baptism ke möñ, Enye ödöhö mi, ete, Owo emi afo edikutde Spirit ösukhörede, odoro Enye ke idem, edi Enye edinīm
- 34 baptism ke Edisana Spirit. Ndien ami ma ñkut, nyuñ ntñ ikö ntiense nte, Emi edi Eyen Abasi.
- 35 Mkpöñ John ötöñö ntak ada ñko, ye owo mbet esie iba ;

JOHN 2.

36 önyuñ ese Jesus nte Enye asañade, ndien ödöhö ete, Sese,
37 Eyeneröñ Abasi! Ndien mbet esie iba oro êkop nte enye
38 ödöhöde, önyuñ etiene Enye. Ndien Jesus akabare, ese
mö nte etienede Enye, önyuñ ödöhö mö, ete, Mbufo eyom
so? Ndien mö ëbörö Enye, ete, Rabbi (emi ke erisiak
39 ikö öwöröde, Andikpep), Afo adañ ke möñ? Enye ete
mö, Êdi, ndien mbufo eyekut. Ntem mö etiene êkekut
ebiët eke Enye adañde; ndien mö êtie ye Enye ke usen
40 oro: ekedi ñkpö nte öyöhö ñkanika duop. Owo kiet
kotu owo iba oro êkekopde ikö John, önyuñ etienede
41 Enye, edi Andrew, eyen-eka Simon Peter. Enye ebem
iso oyom eyen-eka esie Simon, önyuñ ödöhö enye, ete,
Nyin ima ikut Messiah (emi ke erisiak ikö edide Christ).
42 Enye ada enye ösök Jesus. Jesus ese enye, önyuñ ödöhö
ete, Afo edi Simon eyen John: afo eyekere Cephas (emi
ke erisiak ikö edide Peter).
43 Mkpöñ Enye oyom ndisaña ñka ke Galilee, ndien Enye
44 okut Philip; önyuñ ödöhö enye, ete, Tiene Mi. Ndien
45 Philip edi owo Bethsaida, obío Andrew ye Peter. Philip
okut Nathanael, önyuñ ödöhö enye, ete, Nyin ima ikut
Enye emi Moses ke ibet, ye me-prophet êkewetde ëbaña,
46 Jesus emi otode ke Nazareth, eyen Joseph. Ndien
Nathanael ete enye, Nte etl ñkpö ekededi ekeme ndito ke
47 Nazareth? Philip ete enye, Di dise. Jesus okut
Nathanael asañade etiene Enye, önyuñ ödöhö abaña enye,
ete, Sese, ata eyen Israel, emi abiaña miduhe enye kesit!
48 Nathanael ete Enye, Ada nso ödiöñö mi? Jesus öbörö
enye, ete, Ke Philip mika-ikotke fi kaña, kini afo okodude
49 ke idak eto fig, Ami ma ñkut fi. Nathanael öbörö Enye,
ete, Rabbi, Afo edi Eyen Abasi; Afo edi Edidem Israel.
50 Jesus öbörö enye, ete, Nte afo omonim ke akpanikö, koro
Ami ndöhöde fi, nte, Ma ñkut fi kidak eto fig? Afo eyekut
51 ñkpö eke êkponde êkan memö emi. Ndien Enye
ödöhö enye, ete, Kakpan ke ndöhö mbufo, nte, Mbufo
eyekut enyöñ ökubörede, ye me-angel Abasi ëdökde
önyuñ ësukhörede ëdoro Eyen owo.

2 EKEM ke öyöhö usen ita ndö odu ke Cana ke Galilee;
2 ndien eka Jesus odu do: önyuñ êkot Jesus, ye mbet Esie,
3 ëdi ndö ñko. Ndien ke wine okurede, eka Jesus ete Enye,
4 Mö inyeneke wine. Ndien Jesus ete enye, Ñwan, Ami
5 nsaña nso ye afo? ini Mi ika-idige kaña. Eka Esie

JOHN 2.

- ödöhö mesañutom, ete, Se Enye edidöhöde mbufo, énam.
6 Ndien abañ möñ itiat itiokiet ediökhö do nte ido
erinam asana Me-Jew asañade : abañ kiet kiet esine
7 adaña nte gallon edip. Jesus ödöhö mö, ete, Èsìn möñ ke
me-abañ éyöhö. Ndien mö éyöhö mö tutu osim inua.
8 Ndien Enye ödöhö mö, ete, Èkoi kemi, émen ésök étubom
9 usörö. Ndien mö émen ésök *enye*. Ndien kini étubom
usörö atabide möñ oro ama akabare edi wine kemi, edi
ifiökke ebiët eke enye otode (edi mesañutom emi ékekoide
10 möñ éfiök), étubom usörö okot ödö ndö edi, önyuñ ödöhö
enye, ete, Kpukpru owo ébem iso enim eti wine ; ndien
kini owo éñwöñde ediwak, enim se mifönke nte enye eken :
11 afo ama omum eti wine akama tutu osim emi. Jesus
anam akpa idiönö Esie emi ke Cana ke Galilee, önyuñ
ayarare uböñ Esie ; mbet Esie ényuñ enim Enye ke
akpanikö.
12 Ke ñkpö emi éma ékebe, Enye, ye eka Esie, ye nditö-eka
Esie, ye mbet Esie ésukhöre éka ke Capernaum : ndien
mö itiehe do ediwak usen.
13 Ekem passover Me-Jew ekpere, ndien Jesus ödök aka
14 Jerusalem. Ndien Enye okut ke temple mö emi ényamde
enañ ye eröñ ye ibiom, ye mekpühö-okuk étiede do :
15 ndien Enye ada ñkpri uruk anam ikpa, ebìn kpukpru mö,
ye eröñ ye enañ, éwöñö ke temple ; önyuñ añwaña okuk
mekpühö-okuk öduök, önyuñ öduök mokpokoro mö ke
16 isöñ ; önyuñ ödöhö mö emi ényamde ibiom, ete, Èmen
ñkpö emi édakha ; ékunam ufök Ète Mi edi ufök urua.
17 Mbet Esie éti nte ekewetde éte, Udöñ ufök Fo
18 eyeta Mi. Ntem Me-Jew édöhö Enye, éte, Nso
idiönö ke Afo owut nyin, emi Afo anamde me-ñkpö
19 emi ? Jesus öbörö mö, ete, Èwuri temple emi,
20 ndien Ami nyeböp enye ke usen ita. Ntem Me-Jew
édöhö éte, Èkeda isua aba ye itiokiet éböp temple emi,
21 ndien nte Afo ediböp enye ke usen ita ? Edi Enye
22 ödöhö abaña temple ikpöhidem Esie. Mödo ke Enye ama
ekeset ke mkpa, mbet Esie éti nte Enye öködöhöde ikö
emi ; ndien mö enim ñwed Abasi ye ikö eke Jesus
öködöhöde ke akpanikö.
23 Ekem ke ini Enye odude ke Jerusalem ke passover, ke
ini usörö, ediwak owo enim enyiñ Esie ke akpanikö,
24 ékutde midiönö oro Enye anamde. Edi Jesus ibuötke
25 Idemesie ye mö, oto koro Enye öfiökde kpukpru owo, sia

JOHN 3.

Enye minyuñ iyomke ite owo asian Imö abaña owo ; koro Enye ke Idemesie öfiökde se idude kesit owo.

3 Owo Pharisee odu, ekere Nicodemus, andikara Me-Jew :
2 enye etiene Jesus ke okoneyo, önyuñ ödöhö Enye, ete, Rabbi, nyin imöfiök ite Afo edi ekpep-owo emi otode Abasi : koro baba owo kiet emi ekemedede ndinam midiöñö oro Afo anamde miduhe, iböhöke Abasi odu ye enye.
3 Jesus ödöhö enye, ete, Kakpan ke ndöhö fi, nte, Ke owo mimanake öbufa, enye ikemeke ndikut obio
4 Abasi. Nicodemus ete Enye, Didie ke owo edimana kini enye ösöñde ? nte enye emekeme nditöñö ntak 'nduk ke
5 idibi eka esie, 'nyuñ 'mana ? Jesus öbörö ete, Kakpan ke ndöhö fi, nte, ke owo mimanake ito ke möñ ye Spirit, enye
6 ikemeke ndiduk ke obio Abasi. Se amanade oto ke öbukidem edi öbukidem ; se amanade oto ke Spirit edi
7 spirit. Kuyik koro Ami ndöhöde fi, nte, Mbufo ënyene
8 ndimana öbufa. Ofim ofime ebiët enye amama, afo ömönyuñ okop uyo esie, edi ufiökke ebiët eke enye otode ye ebiët eke enye akade : edi ntre ye kpukpru owo kiet kiet
9 emi amanade oto ke Spirit. Nicodemus obup Enye, ete,
10 Didie ke ñkpo emi ekeme ndidu ? Jesus öbörö enye, ete, Nte afo edi ekpep-owo ke Israel, ndien ufiökke
11 ñkpo emi ? Kakpan ke ndöhö fi, nte, Nyin itin se nyin ifiökde, inyuñ idöhö ikö ntiense ibaña se nyin *ima ikokut* ;
12 ndien mbufo inyimeke ikö ntiense nyin. Ami ma ndöhö mbufo me-ñkpo isön, ndien mbufo inimke ke akpanikö, didie ke mbufo edinim ke akpanikö, ke Ami ndöhöde mbufo
13 me-ñkpo enyön ? Ndien ndomo owo kiet idökke kenyön iduk ke heaven, iböhöke Enye emi otode ke heaven
14 ösukhöre, kpa Eyen owo, emi odude ke heaven. Ndien kpa nte Moses ekemende urukiköt kenyön ke desert,
15 kpa ntre ke ënyene ndimen Eyen owo kenyön : man owo ekededi eke öbuötde idem ke Enye ekpenyene nsinsi uwem.
16 Koro Abasi amama ererimbot adaña nte Enye ökönöde Edibon Eyen Esie kierakiet, man owo ekededi eke öbuötde
17 idem ye Enye okutak, edi enyene nsinsi uwem. Koro Abasi miködönke Eyen Esie ke ererimbot ndikpe ikpe ye
18 ererimbot, edi man ënyaña ererimbot oto ke Enye. Ikpehe ikpe ye owo emi öbuötde idem ye Enye : enye emi mibuötke idem ye Enye, ëma ekpe ikpe ye enye ëma, koro enye mibuötke idem ke enyän Edibon Eyen Abasi kiera-

JOHN 4.

19 kiet. Ndien emi edi ikpe oro, ete, uñwana emedi ke ererĩmbot, ndien owo ěmama ekĩm ěkan uñwana ; koro
20 utom mō ědiökde. Koro kpukpru owo kiet kiet emi anamde idiönkpō asua uñwana, inyuñ iwöröke ke
21 uñwana, mbak ědisua ěnō se enye anamde. Edi enye emi anamde akpanikō öwörö ke uñwana, man utom esie ayarare, ete, anam ke Abasi.

22 Ke me-ñkpō emi ěma ěbe Jesus ye mbet Esie ědi ke isön Judæa ; ndien Enye etie do ye mō onĩm baptism.

23 John önyuñ onĩm baptism ke Ænon emi ekperede Salim, koro möñ awakde do : ndien mō ědi ědina baptism.

24 Koro mika-isinke John kaña ke ufök-ñkpököbi. Ndien
25 ndusuk mbet John ěneni ye Jew kiet ěbaña erinam asana.

26 Ndien mō ětiene John, ěnyuñ ědöhö enye, ěte, Rabbi, Sese, Enye emi okodude ye afo ke edem Jordan oko, emi afo eketĩnde ikö ntiense abaña Enye, ke onĩm baptism,

27 kpukpru owo ěnyuñ ětiene Enye. John ödöhö ete, Owo ikemeke ndibö baba ñkpō kiet, iböhöke ěnöde

28 enye oto ke heaven. Mbufo idemmbufo ědi mentiense ěte, ami ndöhö nte, Ami ndige Christ, edi, ědön mi

29 ěte mbem Enye iso. Enye emi enyenede ñwan-ndö edi ödö-ñwan : edi ufan ödö-ñwan, emi adade okop uyo esie,

30 adara akpan akpan kabaña uyo ödö-ñwan : ntem idara mi emi öyöhö. Enye enyene ndiköri, edi ami nyene ndikabare ñkpri.

31 Enye emu otode ke enyön okpon akan kpukpru : enye emi otode ke isön edi eke isön, önyuñ ödöhö ñkpō isön :

32 enye emi otode ke heaven okpon akan kpukpru. Se Enye okutde önyuñ okopde, ke Enye ödöhö nte ntiense ;

33 ndien baba owo kiet inyĩmeke ikö ntiense Esie. Enye emi onyĩmede ikö ntiense Esie ama onĩm idiönö, ete, Abasi

34 edi akpanikō. Koro Enye emi Abasi ödönnde etĩnde ikö

35 Abasi : koro Enye minönö Spirit ke idomo. ěte amama Eyen, ama önyuñ ayak kpukpru ñkpō esĩn ke ubök Esie.

36 Owo emi öbuötde idem ye Eyen enyene nsinsi uwem ; edi enye emi mibuötke idem ye Eyen idique uwem, edi iyaresit Abasi odoro enye.

4 NTEM kini Öböñ öfiökde ete, Me-Pharisee ěma ěkop

2 ěte, Jesus ke anam önyuñ onĩm mbet baptism akan John (okposuk edi nte Jesus ke Idemesie minĩmke baptism, edi

3 mbet Esie *enim*), Enye adakha ke Judæa, ötönö nta^k ö^r yön

JOHN 4.

4 ke Galilee. Ndien Enye enyene ndisaña mbe ke Samaria.
 5 Ntre Enye osim obio Samaria kiet, emi ekerede Sychar,
 ekpere ubak isõn oro Jacob ökönöde Joseph eyen esie :
 6 ndien obube mön Jacob odu do. Ndien koro Jesus akpade
 mba ke isañ Esie, Enye etie ntem ke mben obube mön.
 7 Edi adaña nte öyöhö ñkanika itiokiet. Ñwan Samaria kiet
 edi ndikot mön : Jesus ödöhö enye, ete, Nö mi mön ñwõn.
 8 Koro mbet Esie ëma ëka ke obio ndidep udia. Ndien
 9 ñwan Samaria oro ödöhö Enye, ete, Didie ke afo, emi
 edide Jew, ebeñe mi, ñwan Samaria, mön eke õnwõnde ?
 10 (Koro Me-Jew misañake ñkpö ye mbio Samaria.) Jesus
 öbörö enye, ete, Afo ama ökpöfiök enö Abasi, ama
 ökpönyuñ ödiõñö Enye emi ödöhöde fi, ete, Nö Mi mön
 ñwõn ; afo ekpebeñe Enye, ndien Enye ökpönö fi odu-
 11 uwem mön. Ñwan oro ödöhö Enye, ete, Öböñ, Afo
 unyeneke ñkpö ndikot, obube önyuñ ötuñö : oto mön
 12 ndien ke Afo enyene udu-uwem mön oro ? Nte Afo
 omokpon akan Ète nyin Jacob, emi ökönöde nyin obube,
 ökönyuñ õnwõnde ke idemesie, ye nditö esie, ye ufene
 13 esie ? Jesus öbörö enye, ete, Kpukpru owo kiet kiet
 eke õnwõnde mön emi, itõn eyetõñö ntak asat enye :
 14 edi owo ekededi eke õnwõnde mön oro Ami ndinöde
 enye, itõn idisatke enye aba ; edi mön oro Ami ndinöde
 eyekabare edi idim mön kesit esie önö nsinsi uwem.
 15 Ñwan oro ete Enye, Öböñ, nö mi mön emi, man itõn
 okusat mi, ami ñkunyũ ndi mi aba öfuri usuñ emi ndikot
 16 mön. Jesus ete enye, Ka kokot uberi, nyuñ di ken.
 17 Ñwan oro öbörö Enye, ete, 'Nyeneke ebe. Jesus
 ete enye, Afo omotim ödöhö ete, uyeneke ebe : koro
 18 afo ama öködö mebe ition ; ndien owo emi afo odude
 ye enye kemi idige uberi : afo ömödöhö akpanikö.
 19 Ñwan oro ete Enye, Öböñ, mokut nte Afo edi prophet.
 20 Mëte nyin êketuak ibuot enö Abasi ke obot emi ; edi
 mbufo ête, Ke Jerusalem ebiët odu emi owo ënyenede
 21 ndituak ibuot. Jesus ete enye, Ñwan, nim uyo mi ke
 akpanikö, ini ke edi, eke midige ke obot emi, minyuñ idige
 22 ke Jerusalem, ke mbufo ëdituak ibuot enö Ète. Mbufo
 ëtuak ibuot enö se mbufo mifiökke : nyin ituak ibuot inö
 23 se nyin ifiökde : koro erinyaña otode ke Me-Jew. Edi
 ini ke edi, önyuñ odu kemi, eke ata mendituak ibuot
 ëdituakde ibuot enö Ète ke spirit ye ke akpanikö : koro
 Ète oyomde oruk owo emi ëdi mendituak ibuot enö

JOHN 4.

- 24 Enye. Abasi edi Spirit : ndien mö emi etuakde ibuoť enö
Enye enyene ndituak ibuoť ke spirit ye ke akpanikö.
- 25 Nwan oro ete Enye, Möfiök nte Messiah ke edi (emi ekerede
Christ) : Enye ama edi, eyesian nyin kpukpru ñkpö.
- 26 Jesus ete enye, Ami emi ndöhöde ye afo ndi *Enye*.
- 27 Ndien ke ini emi mbet Esie edi ; ndien mö eyik koro
Enye enemede neme ye nwan ; edi ndomo owo kiet
idöhöke ite, Afo oyom nso ? me, Nsinam Afo enemede neme
- 28 ye enye ? Ntre nwan oro ökpöñ abañ esie, aka ke obio,
29 önyuñ ödöhö mbiobio, ete, Edi, edise owo emi ödöhöde
mi kpukpru ñkpö eke ñkanamde : Nte Enye emi
- 30 ekeme ndidi Christ ? Mö ewöñö ke obio, esaña ebine
31 Enye. Kemi mbet Esie ekpe ye Enye, ete, Rabbi, dia
32 ñkpö. Edi Enye ödöhö mö, ete, Ami menyene udia eke
33 ndiade eke mbufo mifiökke. Ndien mbet ödöhö kiet ye
eken, ete, Me owo ekededi ama önö Enye udia adia ?
- 34 Jesus ete mö, Udia Mi edi ndinam se Ete emi öködöñde Mi
35 amade, 'nyuñ 'nam utom Esie 'ma. Nte mbufo idöhöke
ite, Ösuk kaña öfiöñ inañ, ndien ini ukpeñe edi ? Sese,
Ami ndöhö mbufo, nte, Emenere enyin mbufo, ese iñwan,
- 36 nte mö edatde ekem ini ukpeñe. Enye emi ekpeñede öbö
ñkpö eyen-utom, önyuñ atañ mfri önö nsinsi uwem ; man
enye emi awaride mkpasip ye enye emi ekpeñede edara
- 37 öto kiet. Koro ke ñkpö emi ikö oro edi akpanikö, ete,
38 Owo kiet awari mkpasip, efen ekpeñe. Ami ñködöñ
mbufo ndikpeñe se mbufo mikanamke utom kesit :
owo eñwen enam utom, ndien mbufo eduk ke utom
mö.
- 39 Ndien ediwak mbon Samaria ke obio oro enim Enye ke
akpanikö, oto ke ikö nwan oro ödöhöde ete, Enye öködöhö
- 40 mi kpukpru ñkpö eke ñkanamde. Ntre kini mbon
Samaria esimde Enye, mö ekpe Enye ubök ete, Etie ye
- 41 mimö : ndien Enye etie do ke usen iba. Ndien ediwak
42 owo efen enim ke akpanikö oto ke ikö Esie ; mö enyuñ
ödöhö nwan oro, ete, Kemi nyin imonim ke akpanikö,
itoho koro afo etiñde : koro nyin imokop ke idemnyin,
imönyuñ ifiök ite, Enye emi edi Andinyaña ererimbot ke
akpanikö.
- 43 Ndien ke musen iba oro ebete Enye adakha do aka ke
44 Galilee. Koro Jesus ke Idemesie etiñde ikö ntiense ete,
45 prophet inyeneke ukpono ke obio esiemö. Kadañemi
Enye edide ke Galilee, mbon Galilee enyime Enye, ke ema

JOHN 5.

ēkekut kpukpru ñkpö oro Enye akanamde ke Jerusalem ke usörö : koro mö ēnyuñ ēkade usörö.

- 46 Ntem Enye ötöñö ntak edi ke Cana ke Galilee, ebiët eke Enye akanamde möñ akabare edi wine. Ndien Öböñ kiet odu do, emi eyen eren esie ödöñöde ke Capernaum.
- 47 Kini enye okopde ete Jesus ama okoto ke Judæa oduk ke Galilee, enye etiene Enye önyuñ ebeñe Enye, ete, Enye ðkpösukhöre edi edinam udöñö okure eyen imö ; koro
- 48 enye oyomde ndikpa. Ndien Jesus ödöhö enye, ete, Iböhöke ini mbufo ēkut midiöñö ye mutibe ñkpö, mbufo
- 49 idinimke ke akpanikö. Öböñ oro ete Enye, Öböñ,
- 50 sukhöre di, ke eyen mi mika-ikpaha kaña. Jesus ete enye, Ka okuo ; eyen fo ke odu uwem. Owo oro onim ikö oro Jesus ödöhöde enye ke akpanikö, ndien önyöñ ke usuñ
- 51 esie. Ekem nte enye ösukhörede önyöñ, iköt esie
- 52 ësobo ye enye, ète, eyen esie odu uwem. Ndien enye obup mö ñkanika eke enye ötöñöde ndikop idem. Ndien mö ödöhö enye, ète, Mkpöñ ke öyöhö ñkanika itiaba ufiop-
- 53 idem ökökpöñ enye. Ntre ète öfiök ete, ekedi ke ñkanika oro Jesus öködöhöde imö, ete, Eyen fo ke odu uwem : ndien enye ke idemesie ye öfuri ufök esie ënim ke akpanikö.
- 54 Ndien emi edi udiana-akpa idiöñö eke Jesus anamde ke Enye ama okoto ke Judæa edi ke Galilee.

- 5 KE me-ñkpö emi ëbede usörö Me-Jew odu ; ndien Jesus
- 2 ödök aka ke Jerusalem. Mkpödiökhömöñ odu ke Jerusalem ke inua-otop eröñ, emi ke usem Hebrew êkotde
- 3 Bethesda, ndien enye enyene nsuk uyo ition. Ata ediwak mbon udöñö, ye me-'nan, ye mbuñö, ye mö emi idem
- 5 akpade, ëna do. Ndien owo kiet odu do, emi ödöñöde ke
- 6 isua edip ye efureta. Ke ini Jesus okutde enye nte anade, önyuñ öfiökde ete, enye ama etie ntre anyan ini, Enye ödöhö enye, ete, Nte afo akpama ndikop nsöñidem ?
- 7 Owo udöñö oro ete Enye, Öböñ, ami 'nyeneke owo eke esinde mi ke mkpödiökhömöñ kini ëtimerede möñ : edi kini ami ndide, owo eñwen ebem mi iso ösukhöre.
- 8 Jesus ödöhö enye, ete, Dakha kenyöñ men mbri fo, saña.
- 9 Ndien ndo ndo oro idem ösöñ owo oro, enye önyuñ emen mbri esie asaña.
- 10 Usen oro edi sabbath. Ntre Me-Jew ödöhö enye emi udöñö okurede enye, ète, Edi sabbath, inyuñ inenke
- 11 fi ndimen mbri fo. Edi enye öböörö mö, ete, Enye emi

JOHN 5.

akanamde udöñö okure mi, kpa Enye öködöhö mi, ete,
 12 Men mbri fo, saña. Mö ëbup enye, ëte, Anie owo
 13 öködöhö fi, ete, Men *mbri fo*, saña? Edi owo emi udöñö
 okurede enye ifiökke owo eke edide: koro Jesus ama aka-
 14 dakha, sia otu owo odude ke ebiët oro. Ekem Jesus
 okut enye ke temple, önyuñ ödöhö enye, ete, Sese,
 udöñö fo okure: Kunam aba idiöñkpö, mbak se idiökde
 15 ikan ediwörö önö fi. Owo oro aka öködöhö Me-Jew, ete,
 16 ke edi Jesus akanam udöñö okure imö. Ndien oto do
 Me-Jew ëköbö Jesus, koro Enye akanamde ñkpö emi ke
 17 sabbath. Edi Jesus öbörö mö, ete, Ète mi ke ananam
 18 utom tutu osim emi, Ami 'nyuñ 'nam. Oto do Me-Jew
 ëdediöñ ëyom Enye ndiwot, idige koro Enye abiatde
 sabbath ikpöñ ikpöñ, edi koro Enye okotde Abasi, ete,
 Ète Imö, anam Idemesie edi ukem ye Abasi.

19 Ndien Jesus ödöhö mö, ete,

Kakpan ke ndöhö mbufo, nte, Eyen ikemeke ndinam
 ñkpö ke Idemesie, iböhöke se Enye okutde nte Ète anamde:
 koro ñkpö ekededi Enye [Ète] anamde, me-ñkpö emi ke
 20 Eyen önyuñ anam kpa suk ntre. Koro Ète amama Eyen,
 önyuñ owut Enye kpukpru ñkpö oro Enye ke Idemesie
 anamde: eyenyuñ owut Enye me-utom emi ëkponde
 21 ëkan me-ñkpö emi, man idem akpa mbufo. Koro nte
 Ète anamde mekpa-mkpa ëset önyuñ önöde mö uwem, kpa
 22 ntre ke Eyen önö owo emi Enye amade uwem. Koro
 Ète minyuñ ikpehe ikpe baba owo kiet, edi Enye ama ayak
 23 kpukpru ikpe önö Eyen, man kpukpru owo ëkpono Eyen,
 kpa nte mö ëkponode Ète. Enye emi mikponoke Eyen
 24 ikponoke Ète emi öködöñde Enye. Kakpan ke ndöhö
 mbufo, nte, Enye emi okopde uyo Mi, önyuñ öbuötde idem
 ye Enye emi öködöñde Mi, enyene nsinsi uwem, inyuñ
 idukke ke ikpe, edi ama öwörö ke mkpa önyuñ oduk ke
 25 uwem. Kakpan ke ndöhö mbufo, nte, Ini ke edi, önyuñ
 odu kemi, eke mekpaña-mkpa ëdikopde uyo Eyen Abasi;
 26 ndien mö emi ëkopde ëyedu uwem. Koro nte emi Ète
 enyenede uwem ke Idemesie, kpa suk ntre ke Enye ökönö
 27 Eyen ñko ndinyene uwem ke Idemesie: Enye ökönyuñ
 önö Enye odudu ndikpe ikpe, koro Enye edide Eyen owo.
 28 Èkuyik ñkpö emi: koro ini ke edi, eke kpukpru mö emi
 29 ëdude ke me-udi ëdikopde uyo Esie, ëyenyuñ ëwöñö;
 mö emi ëkenamde se ifönde ke eriset uwem; ye mö emi
 ëkenamde se idiökde ke eriset ubiom-ikpe.

JOHN 6.

30 Ami ke Idemmi ñkemeke ndinam ñkpö : nte ñkopde,
 ke Ami ñkpe ikpe : ikpe Mi önyuñ enen ; koro Ami
 menyomke se Ami 'made ke Idemmi, edi se Enye emi
 31 öködöñde Mi amade. Ami 'ma ndöhö ikö ntiense mbaña
 32 Idemmi, ikö ntiense Mi idige akpanikö. Edi efen odu eke
 etiñde ikö ntiense abaña Mi ; Ami mönyuñ mfiök nte ikö
 33 ntiense oro enye ödöhöde abaña Mi edi akpanikö. Mbufo
 ëma ëdöñ owo ëtiene John, enye önyuñ ödöhö ikö
 34 ntiense abaña akpanikö. Edi ikö ntiense eke Ami 'nyenede
 itoho owo : edi Ami mödöhö me-ñkpö emi, man ënyaña
 35 mbufo. Enye ekedi utuenikañ eke asakde önyuñ ayama-
 de ; ndien mbufo ëkenyime ndidara ke uñwana esie
 36 ke ini. Edi ikö ntiense emi Ami 'nyenede okpon akan
 eke John : koro me-utom emi Ète ökönöde Mi ete 'nam
 ma, idem me-utom oro Ami 'namde ödöhö ikö ntiense
 37 ëbaña Mi, ëte, Ète öködöñ Mi. Ndien Ète emi öködöñde
 Mi, Enye ama ödöhö ikö ntiense abaña Mi. Akananam
 38 mbufo ikopke uyo Esie, inyuñ ique mbiët Esie. Ikö Esie
 inyuñ iduhe kesit mbufo : koro mbufo minimke Enye eke
 39 Enye ödöñde ke akpanikö. Mbufo ëduñöre me-ñwed
 Abasi, koro mbufo ëkerede ëte, mbufo ëmenyene nsinsi
 uwem kesit mö ; ndien mö emi ëdi mö emi ödöhöde ëbaña
 40 Mi ; edi mbufo inyimeke nditiene Mi, man mbufo ënyene
 41 uwem. Ami mböhö owo ukpono. Edi Ami möfiök
 42 mbufo, nte, mbufo inyeneke ima Abasi kesit mbufo. Ami
 43 medi ke enyiñ Ète Mi, ndien mbufo inyimeke Mi : owo
 eñwen ama edi ke enyiñ esiemö, enye ke mbufo ëdinyime.
 44 Didie ke mbufo ëkeme ndinim ke akpanikö, emi ëböde kiet
 eken ukpono, ndien iyomke ukpono emi otode ke Abasi
 45 kierakiet ? Èkukere ëte Ami nyedori mbufo ikö kiso Ète :
 kiet odu emi odoride mbufo ikö, kpa Moses emi mbufo
 46 ëdoride enyiñ ke enye. Koro edieke mbufo ëkpenimde
 Moses ke akpanikö, mbufo ëkpenim Mi ke akpanikö ;
 47 koro enye ekewetde abaña Mi. Edi edieke mbufo minimke
 me-ñwed esie ke akpanikö, didie ke mbufo ëdinim ikö Mi
 ke akpanikö ?

6 Ke ñkpö emi ëbede Jesus adakha aka ke edem inyañ
 2 Galilee oko, emi edide inyañ Tiberias. Ndien ata ediwak
 owo ëtiene Enye, koro mö ëkutde midiöñö emi Enye
 3 anamde ke idem mö emi ödöñöde. Ndien Jesus ödök
 4 akamba obot, önyuñ etie do ye mbet Esie. Ndien passover,

JOHN 6.

- 5 usörö Me-Jew, ekpere. Ndien Jesus emenere enyìn Esie, önyuñ okut nte ata ediwak owo ètiatede Enye, ndien ödöhö Philip, ete, Ke möñ ke nyìn ididep uyo, man memö
- 6 emi èdia? Enye ödöhö ikö emi ndidomo enye: koro
- 7 Enye ke Idemesie öfiökde se Enye edinamde. Philip öbörö Enye, ete, Uyo ke okuk ikie iba ikemke, man kpukpru owo
- 8 kiet kiet adia nsit nsit. Owo mbet Esie kiet, Andrew, eyen-
- 9 eka Simon Peter, öbörö Enye, ete, Akparawa kiet odu mi, emi enyenede uyo ition ye iyak iba: edi mö emi èdi
- 10 nso kotu ediwak owo ntre? Jesus ödöhö ete, Ènam me-owo ètetie. Ndien mbièt awak ke ötö oro. Ntre me-owo
- 11 oro ètetie, ibat mö edi adaña nte thousand ition. Ndien Jesus ada me-uyo oro; ndien ke ama ökönö eköm, enye edeme önö mö emi ètiede; önyuñ anam kpa ntre ye iyak
- 12 ñko adaña nte mö èmade. Ndien kini mö èyukhöde, Enye ödöhö mbet Esie, ete, Ètañ ñkeñe eke ösukhöde,
- 13 kpañ baba ñkpö kiet okutak. Ntre mö ètañ mö, ènyuñ èyöhö akpasa duopeba ye ñkeñe uyo ition, eke ösukhöde
- 14 ke mö èdiade èma. Ntem ke mbon oro èkutde idiönö oro Enye anamde, mö ödöhö ète, Ke akpanikö Enye emi edi prophet eke edide ke ererimbot.
- 15 Ndien ke Jesus öfiökde ete, mö èyom ndidi ndida Enye ke odudu 'nìm Enye nte edidem, Enye ötönö ntak adakha aka ke akamba obot ke Idemesie ikpöñ.
- 16 Ke mbubreyo mbet Esie èsukhöre èka aqua inyañ; ndien
- 17 mö èdiere ke ubom, èwat èbe inyañ ète ika ke Capernaum. Ndien kemi ekim odu, ndien Jesus ika-isimke mö kaña.
- 18 Ndien inyañ adakha oto ke ökpösön ofim eke ofimede.
- 19 Ndien ke mö èma èkewat mile ita me inañ, mö èkut Jesus asañade ke inyañ, ekpere ubom; ndien mö èfeghe ndik.
- 20 Edi Enye ödöhö mö, ete, Edi Ami; èkufeghe ndik. Ndien
- 21 mö ènyime Enye ediere ke ubom: ndien idaha oro ubom ebekhe ke ebièt eke mö èkade.
- 22 Mkpöñ otu owo oro èdade ke edem inyañ oko èkut ète, ubom efen iduhe do, iböhöke kiet, nte Jesus minyuñ idiereke ke ubom oro ye mbet Esie, edi mbet Esie èkewat
- 23 ikpöñ (edi me-ubom èto ke Tiberias èdi èdikpere ebièt oro èketade uyo ke Öböñ ama ökönö eköm ama): ntem kini otu owo èkutde ète Jesus iduhe do, mbet Esie inyuñ iduhe, mö ke idemmö èdiere ke ubom, èdi ke Capernaum, ke èyom
- 25 Jesus. Ndien kini mö èkutde Enye ke edem inyañ eken, mö ödöhö Enye, ète, Rabbi, ke ini ewe ke Afo ekedi mi?

JOHN 6.

26 Jesus öbörö mö, ete, Kakpan ke ndöhö mbufo, nte,
 Mbufo eyom Mi, idige koro mbufo eke kutde midiöñö,
 27 edi koro mbufo eketade uyo enyuñ eyukhöde. Èkunam
 utom ebaña uyo eke esobode, edi ebaña uyo oro ebígide
 osim nsinsi uwem, emi Eyen owo edinöde mbufo : koro
 28 Ète kpa Abasi ama onim Enye idiöñö. Mö ödöhö Enye
 29 ndien, ète, Nyin idinam nso, man inam utom Abasi ?
 Jesus öbörö mö, ete, Emi edi utom Abasi, ete, mbufo
 30 enim Enye emi Enye öködöñde ke akpanikö. Ndien
 mö ödöhö Enye, ète, Nso idiöñö ke Afo anam ndien, man
 nyin ikut inyuñ inim Fi ke akpanikö ? nso utom ke Afo
 31 anam ? Mète nyin ekedia manna ke wilderness ; nte
 ewetde ète, Enye ökönö mö uyo oto ke heaven ndidia.
 32 Ndien Jesus ödöhö mö, ete, Kakpan ke ndöhö mbufo, nte,
 Ikedige Moses eke ökönöde mbufo uyo oto ke heaven ;
 33 edi Ète Mi önö mbufo ata uyo oto ke heaven. Koro
 uyo Abasi edide Enye emi otode ke heaven osukhöre,
 34 önyuñ önöde ererimbot uwem. Mö ödöhö Enye, ète,
 35 Öböñ, nö nyin uyo emi kpukpru ini. Jesus ödöhö mö,
 ete, Ami ndi uyo uwem : biöñ ididöñke enye emi etienede
 Mi, itöñ idinyuñ isatke enye ke nsinsi emi onimde Mi ke
 36 akpanikö. Edi Ami ndöhö mbufo, nte, mbufo ëma ekut
 37 Mi, edi inimke ke akpanikö. Kpukpru owo emi Ète önöde
 Mi eyetiene Mi ; ndien owo emi etienede Mi Ami ndiduökke
 38 enye. Koro Ami ntode ke heaven nsukhöre, idige ndinam
 39 se Ami 'made, edi se Enye emi öködöñde Mi amade. Ndien
 emi edi se Enye emi öködöñde Mi amade, ete, ke kpukpru
 se Enye önöde Mi, Ami mkpöduökke baba kiet, edi ñkpanam
 40 enye eset ke ukperedem usen. Koro emi edide se Ète Mi
 amade, ete, kpukpru owo kiet kiet emi okutde Eyen,
 önyuñ onimde Enye ke akpanikö, ekpenyene nsinsi uwem ;
 ndien Ami nyenam enye eset ke ukperedem usen.
 41 Ndien Me-Jew esuk Enye uyo, koro Enye ödöhöde ete,
 42 Imö idi uyo emi otode ke heaven osukhöre. Ndien mö
 ödöhö ète, Nte emi idige Jesus, eyen Joseph, emi nyin
 idiöñöde ète ye eka Esie ? Nsinam Enye ödöhöde
 43 kemi ete, Ami nto ke heaven nsukhöre ? Jesus öbörö
 44 mö, ete, Èkusuk uyo kotu idemmbufo. Baba owo
 kiet ikemeke nditiene Mi, iböhöke ini Ète emi
 öködöñde Mi odudi enye : ndien Ami nyenam enye
 45 eset ke ukperedem usen. Èwet ke me-prophet ète, Abasi
 eyekpep mö kpukpru. Kpukpru owo emi okopde uyo

JOHN 6.

46 Ète, önyuñ ekpepde, etiene Mi. Idige nte owo ekededi okokutde Ète, iböhöke Enye emi otode ke Abasi; Enye
 47 ama okut Ète. Kakpan ke ndöhö mbufo, nte, Enye eke
 48 onimde ke akpanikö enyene nsinsi uwem. Ami ndi uyo
 49 uwem. Mëte mbufo êkedia manna ke wilderness ënyuñ
 50 êkpaña. Emi edi uyo emi otode ke heaven ösukhöre, man
 51 owo adia enye, ndien okukpa. Ami ndi odu-uwem uyo eke
 otode ke heaven ösukhöre: owo ekededi ama ata uyo
 emi, enye eyedu uwem ke nsinsi: Ih, ndien uyo oro Ami
 ndinöde edi öbukidem Mi, kabaña uwem ererimbot.

52 Ndien Me-Jew ëneni kiet ye eken, ëte, Didie ke owo emi
 53 ekeme ndinö nyin öbukidem Esie ita? Ndien Jesus ödöhö
 mö, ete, Kakpan ke ndöhö mbufo, nte, Iböhöke mbufo
 ëta öbukidem Eyen owo ënyuñ ëñwöñ iyip Esie, mbufo
 54 inyeneke uwem ke esit mbufo. Enye eke atade öbukidem
 Mi önyuñ öñwöñde iyip Mi enyene nsinsi uwem; Ami
 55 nyenyuñ 'nam enye eset ke ukperedem usen. Koro
 öbukidem Mi edide udia ke akpanikö, iyip Mi önyuñ
 56 edide ediñwöñ-ñkpö ke akpanikö. Owo eke atade öbukidem
 Mi önyuñ öñwöñde iyip Mi odu ke esit Mi, Ami 'nyuñ ndu
 57 ke esit esie. Nte Ète emi odude uwem öködöñde Mi,
 ndien Ami ndu uwem oto ke Ète; ntre owo emi atade Mi,
 58 enye ñko eyedu uwem oto ke Ami. Emi edi uyo eke otode
 ke heaven ösukhöre: idige nte mëte êketade, ënyuñ
 êkpaña: enye emi atade uyo emi eyedu uwem ke nsinsi.
 59 Jesus etiñ ikö oro ke synagogue, nte Enye ekpepde ke
 Capernaum.

60 Ndien ediwak mbet Esie, kini mö êkopde *emi*, ödöhö ëte,
 61 Emi edi ökpösöñ ikö: anie ekeme ndikop enye? Edi
 Jesus, ke öfiökde ke esit Esie nte mbet Esie ësukde uyo
 ëbaña emi, ödöhö mö, ete, Nte ikö emi esin mbufo
 62 ëduö? Nso ndien edieke mbufo êkpekutde Eyen owo
 ödökde aka ke ebiët oro Enye okodude ke mbemiso?
 63 Edi spirit önö uwem; öbukidem ifönke baba ñkpö kiet:
 me-ikö eke Ami ndöhöde mbufo ëdi spirit, ënyuñ ëdi uwem.
 64 Edi ndusuk mbufo ëdu emi minimke ke akpanikö. Koro
 Jesus öfiökde toto ke eritöñö owo emi minimke ke
 65 akpanikö, ye owo emi editapde Enye. Ndien Enye ödöhö
 ete, Oto ke ñkpö emi Ami ñködöhö mbufo, nte, baba owo
 kiet ikemeke nditiene Mi, ke Ète minöñö enye ukeme.

66 Ke ikö emi ediwak mbet Esie ëfiak edem, inyuñ isañake
 67 aba ye Enye. Ndien Jesus ödöhö *mbet Esie* duopeba, ete,

JOHN 7.

68 Nte mbufo ñko emeyom ndinyõn ? Simon Peter öbörö
 Enye, ete, Öböñ, nyin iditiene anie ? Afo emenyene ikö
 69 nsinsi uwem. Ndien nyin imonim ke akpanikö imönyuñ
 70 ifiök ite, Afo edi Edisana Eyen Abasi. Jesus öbörö mö,
 ete, Nte Ami ñkemekke mbufo owo duopeba, ndien owo
 71 mbufo kiet edi demon ? Enye ödöhö abaña Judas *eyen*
 Simon Iscariot, koro enye edide owo duopeba oro kiet emi
 editapde Enye.

7 KE ñkpö oro ebete Jesus asaña ke Galilee : koro
 Enye minyimeke ndisaña ke Judæa, koro Me-Jew eyomde
 2 ndiwot Enye. Ekem usörö Me-Jew ekpere, kpa usörö
 3 ataya. Ndien nditö-eka Esie ödöhö Enye, ete, Dakha ke
 ötö emi, ka ke Judæa, man mbet Fo ñko ekut utom Fo eke
 4 Afo anamde. Koro baba owo kiet minamke ñkpö ke
 ndibe, kini enye oyomde owo ediõñö enye ke añwa. Afo
 ama anam me-ñkpö emi, yarare Idemfo nö ererimbot.
 5 Koro kpa nditö-eka Esie minimke Enye ke akpanikö.
 6 Ndien Jesus ödöhö mö, ete, Ini mi ikemke kaña ; edi ini
 7 mbufo ekem kpukpru ini. Ererimbot ikemeke ndisua
 mbufo ; edi enye asasua Mi, koro Ami ntinde nte ntiense
 8 mbaña enye, nte, me-utom esie ediök. Mbufo ödök eka
 usörö : Ami ndökke kaña ñka usörö emi ; koro ini Mi
 9 mika-iyöhöke kaña. Ndien ke Enye ama öködöhö mö
 ikö emi, Enye osuk etie ke Galilee.

10 Edi kini nditö-eka Esie ödökde eka ke usörö, Enye
 önyuñ ödök aka ñko, idige añwa añwa, edi nte edide ke
 11 ndibe. Ndien Me-Jew eyom Enye ke usörö, önyuñ
 12 ödöhö ete, Enye odu möñ ? Ndien nsuk-uyo edu eti
 eti kotu me-otu owo ebaña Enye : ndusuk owo ete,
 Enye edi eti owo ; mö efen ete, Idige ntre, edi Enye
 13 ababiaña otu owo. Edi baba owo kiet ibañake Enye
 añwa añwa mbak Me-Jew.

14 Ekem ke uföt usörö Jesus ödök ke temple, önyuñ ekpep.
 15 Ndien Me-Jew eyik ete, Didie ke owo emi öfiök ñwed, emi
 16 akananam mikpepke ? Jesus öbörö mö, ete, Erikpep Mi
 17 idige okim, edi eke Enye emi öködöñde Mi. Edieke owo
 onyimedede ndinam se Enye amade, enye eyefiök abaña
 erikpep oro, me oto ke Abasi, me Ami ntin ikö Idemmi.
 18 Enye emi etinde ikö oto ke idemesie oyom ukpono esiemö :
 edi enye emi oyomde ukpono enye emi öködöñde enye,
 kpa enye edi akpanikö, baba uquañido inyuñ iduhe ye

JOHN 7.

19 enye. Nte Moses ikönöñö mbufo ibet, ndien baba owo
 kiet kotu mbufo inimke ibet? Nsinam mbufo eyomde
 20 ndiwot Mi? Otu owo edöhö éte, Afo emenyene demon :
 21 anie oyom ndiwot Fi? Jesus öbörö mö, ete, Ami ñkanam
 22 utom kiet, ndien kpukpru mbufo eyik. Moses ökönö
 mbufo mbobi kabaña emi (edi enye itoho Moses edi oto
 23 mëte); mbufo enyuñ enim owo mbobi ke sabbath. Edieke
 enimde owo mbobi ke sabbath, man ekubiat ibet Moses ;
 nte mbufo eyaresit ye Ami, koro 'namde idem ösöñ owo
 24 ke sabbath? Èkukpe ikpe nte etiede owo ke enyin, edi
 ekpe edinen ikpe.

25 Ndien ndusuk mbon Jerusalem edöhö éte, Nte owo emi
 26 idige Enye emi mö eyomde ndiwot? Ndien sese, Enye ke
 etiñ ikö aña aña, mö inyuñ idöhöke Enye baba ñkpö
 kiet. Me ikpö owo etim efiök ke akpanikö éte, owo emi
 27 edi Christ? Edi nyin imöfiök ebiët emi owo emi otode :
 edi kini Christ edide, baba owo kiet ifiökke ebiët emi Enye
 28 otode. Ndien Jesus ofiori ke temple, ekpep önyuñ ödöhö
 ete, Mbufo emefiök Mi, emenyuñ efiök ebiët emi Ami
 ntode ñko; ndien Ami ndige ke Idemmi, edi Enye
 29 emi ödöñde Mi edi akpanikö, emi mbufo mifiökke. Ami
 möfiök Enye; koro Ami ntode ke Enye, Enye önyuñ
 30 ödöñ Mi. Ndien mö eyom ndimum Enye: ndien baba
 owo kiet idorike Enye ubök, koro ini Esie mika-ikemke
 31 kaña. Edi ke otu owo oro ediwak owo enim Enye ke
 akpanikö; enyuñ edöhö éte, Christ ama edi, nte Enye
 32 edinam midiöñö ewak ekan se owo emi anamde? Me-
 Pharisee ekop nte otu owo esukde uyo etiñ ikö emi
 ebaña Enye; ikpö oku ye Me-Pharisee enyuñ ödöñ
 33 misuñutom ndimum Enye. Ndien Jesus ödöhö ete,
 Nsuk ndodu ye mbufo ke ekpri ini kaña, ndien Ami ndakha
 34 ntiene Enye emi öködöñde Mi. Mbufo eyeyom Mi,
 ndien idique Mi: ndien ke ebiët eke Ami ndude, mbufo
 35 ikemeke ndidi. Ndien Me-Jew edöhö kotu idemmö éte,
 Owo emi edika möñ eke nyin midique Enye? Me Enye
 editiene mö emi esuanade kotu Me-Greek, önyuñ ekpep
 36 Me-Greek? Nsidi ikö emi Enye ödöhöde ete, Mbufo
 eyeyom Mi, ndien idique Mi: ndien ke ebiët eke Ami ndude,
 mbufo ikemeke ndidi?

37 Ekem ke akpatre usen, aqua usen usörö, Jesus ada
 ofiori ete, Itöñ ama asat owo ekededi, yak enye etiene Mi
 38 öñwöñ. Enye emi öbuötde idem ye Ami, nte ñwed Abasi

JOHN 8.

ödöhöde, me-akpa odu-uwem möñ eyeto enye ke esit
39 ewörö. Edi Enye ödöhö ntem abaña Spirit, emi mö emi
ëbuötde idem ye Enye edinyenede: koro mika-inöñö
Spirit kaña; koro mika-inöñö Jesus kaña uböñ.
40 Ndien ndusuk mö ke otu owo oro, adañemi mö ëkopde
mikö emi, ödöhö ëte, Ke akpanikö emi edi prophet oro.
41 Ndusuk eñwen ödöhö ëte, Emi edi Christ. Edi ndusuk
42 ödöhö ëte, Nso, nte Christ eyeto ke Galilee? Nte ñwed
Abasi idöhöke ite, Christ oto ke oruk David, önyuñ oto ke
43 Bethlehem, ekpri obio emi David okodude? Ntre eribak-
44 hare otibe ke otu owo abaña Enye. Ndien ndusuk mö
ëyom ndimum Enye; edi baba owo kiet idorike Enye
ubök.
45 Ndien misuñutom oro ëtiene ikpö oku ye Me-Pharisee;
mö ënyuñ ödöhö mö, ëte, Nsinam mbufo midaha Enye idi?
46 Misuñutom oro ëbörö ëte, Akananam owo itinke ikö ntre.
47 Ndien Me-Pharisee ödöhö mö, ëte, Nte mbufo nde ëmeduk
48 abiaña. Nte owo ekededi kotu mendikara me kotu Me-
49 Pharisee omonim Enye ke akpanikö? Edi otu owo emi
50 mifiökke ibet, ödödiök önö mö. Nicodemus (owo mö kiet
51 emi ekebemde iso etiene Enye) ödöhö mö, ete, Nte ibet
nyin ekpe ikpe owo, ke mibemke iso ikop uyo esie inyuñ
52 ifök se enye anamde? Mö ëbörö enye, ëte, Nte afo nde
oto ke Galilee? Duñöre, nyuñ se nte baba prophet kiet
midakhake ida ito ke Galilee.

8 [NDIEN kpukpru owo ënyöñ ke ufök mö: edi Jesus aka
2 ke obot Olive. Ndien Enye abak ke usenubök ötöñö
ntak edi ke temple, kpukpru owo ënyuñ ëtiene Enye;
3 ndien Enye ösukhöre etie ekpep mö. Ndien me-scribe
ye Me-Pharisee ëda ñwan kiet, emi ëkemumde enye ke
4 itie efibe; ndien ke mö ëma ëkenim enye ke uföt, mö
ödöhö Enye, ëte, Andikpep, ëkemum ñwan emi ke efibe,
5 ke idem itie. Moses eteme nyin ke ibet, ete, itöñö oruk
6 owo emi ke itiat: Afo ödöhö didie abaña enye? Mö
ödöhö ikö emi, ëdomo Enye, man mö ënyene se ëdade
ëdori Enye ikö. Edi Jesus önukhö ada nuenubök Esie
7 ewet ke isöñ. Edi kini mö ëköböde ëbup Enye, Enye
emenere Idemesie önyuñ ödöhö mö, ete, Owo kotu mbufo
eke ananade ndudue, yak enye ebem iso emen itiat ötö
8 enye. Ndien Enye ötöñö ntak önukhö ada nuenubök
9 Esie ewet ke isöñ. Ndien kini mö ëkopde, mö ewöñö kiet

JOHN 8.

kiet, etöñöde ke ebiowo tutu osim ukperedem : ndien Jesus osuk ikpöñ, ye ñwan ke ebiët eke enye adade ke
 10 uföt. Ndien Jesus emenere Idemesie, ödöhö enye, ete, Ñwan, mö ëdu möñ ? Nte baba owo kiet ibiomke fi ?
 11 Ndien enye ete, Baba owo kiet, Öböñ. Ndien Jesus ete, Ami 'nyuñ mbiomke fi : ka okuo ; ötöñöde kemi, kunam aba idiöñkpö.]

12 Ndien Jesus ötöñö ntak ödöhö mö, ete, Ami ndi uñwana ererimbot : enye eke asañade etiene Mi idisañake ke ekim,
 13 edi eyenyene uñwana uwem. Ntem Me-Pharisee ëdöhö Enye, ëte, Afo etiñ ikö ntiense abaña Idemfo ; ikö
 14 ntiense Fo idige akpanikö. Jesus öbörö mö, ete, Mkpetiñ ikö ntiense mbaña Idemmi, ikö ntiense Mi edi akpanikö ; koro Ami mfiökde ebiët eke Ami ñkotode, ye ebiët eke Ami ñkade ; edi mbufo ifiökke ebiët eke Ami
 15 ntode, me ebiët eke Ami ñkade. Mbufo ëkpe ikpe nte asañade ye öbukidem ; Ami ñkpehe ikpe baba owo kiet.
 16 Ndien edieke Ami ñkpede ikpe, ikpe Mi edi akpanikö ; koro Ami menduhe ikpöñ, edi Ami ye Ète emi öködöñde
 17 Mi. Ñko, ënyuñ ewet ke ibet mbufo ëte, ikö ntiense owo
 18 iba edi akpanikö. Ami ndi enye emi ntñnde ikö ntiense mbaña Idemmi, ndien Ète emi öködöñde Mi önyuñ etiñ
 19 ikö ntiense abaña Mi. Ntem mö ëdöhö Enye, ëte, Usö odu möñ ? Jesus öbörö ete, Mbufo ifiökke Mi, inyuñ ifiökke Ète Mi : mbufo ëkpefiök Mi, mbufo ëkpenyuñ ëfiök Ète
 20 Mi. Enye ödöhö mikö emi ke ubet unim-ñkpö, nte Enye ekpepde ke temple : ndien baba owo kiet imumke Enye ; koro ini Esie mika-ikemke kaña.

21 Ndien Enye ötöñö ntak ödöhö mö, ete, Ami möñ 'nyöñ, ndien mbufo eyeyom Mi, ënyuñ ëkpaña ke idiöñkpö mbufo :
 22 ke ebiët eke Ami ñkade, mbufo ikemeke ndidi. Ndien Me-Jew ëdöhö ëte, Nte Enye ediwot Idemesie, emi Enye ödöhöde ete, Ke ebiët eke Ami ñkade, mbufo ikemeke
 23 ndidi ? Ndien Enye öbörö mö, ete, Mbufo ëdi eke isöñ ; Ami ndi eke enyöñ : mbufo ëdi eke ererimbot emi ; Ami
 24 ndige eke ererimbot emi. Ntre ke Ami ñködöhö mbufo, nte, mbufo ëyekpaña ke idiöñkpö mbufo : koro iböhöke mbufo ënimde ke akpanikö ëte, Ami ndi *Enye*, mbufo
 25 ëyekpaña ke idiöñkpö mbufo. Mödo mö ëdöhö Enye, ëte, Afo edi anie ? Jesus ödöhö mö, ete, Kpa se Ami ndöhöde
 26 mbufo toto ke eritöñö. Menyene ediwak ñkpö nditiñ 'nyuñ ñkpe ikpe mbaña mbufo : edi Enye emi öködöñde Mi edi

JOHN 8.

akpanikö; ndien ñkpö eke Ami ñkopde oto ke Enye,
 27 ñkpö emi ke Ami ndöhö ererimbot. Mö ifiökke ite ke
 28 Enye ödöhö mö abaña Ète. Ndien Jesus ödöhö ete, Ke
 mbufo ëma ëmen Eyen owo ke enyöñ, ini oro ke mbufo
 ëdifiök ëte, Ami ndi Enye, ye nte Ami menamke ñkpö ke
 Idemmi, edi Ami ndöhö ñkpö emi kpa nte Ète ekpepde
 29 Mi. Ndien Enye emi ödöñde Mi odu ye Ami; Enye
 ikpöñke Mi ikpöñ; koro Ami 'namde ñkpö eke ënemde
 30 Enye kpukpru ini. Nte Enye ödöhöde ikö emi, ediwak
 owo ënim Enye ke akpanikö.

31 Ndien Jesus ödöhö Me-Jew oro ëbuötde idem ye Enye,
 ete, Mbufo ëma ëdu ke ikö Mi, mbufo ëdi mbet Mi
 32 ke akpanikö; mbufo ëyenyuñ ëfiök akpanikö, akpanikö
 33 eyenyuñ anam mbufo ëdi nditö isöñ. Mö ëbörö
 Enye, ëte, Nyin idi nditö Abraham, akananam nyin
 iduhe ke idak baba owo kiet: didie ke Afo ödöhö ndien
 34 ete, Mbufo ëyedi nditö isöñ? Jesus öbörö mö, ete,
 Kakpan ke ndöhö mbufo, nte, Kpukpru owo kiet
 35 kiet eke anamde idiöñkpö edi ofn idiöñkpö. Ndien
 ofn itiehe ke ufök ke nsinsi: eyen etetie ke nsinsi.
 36 Mödo Eyen ama anam mbufo ëkabare ëdi nditö
 isöñ, mbufo ëyedi nditö isöñ ke akpanikö. Möfiök
 37 nte mbufo ëdi nditö Abraham; edi mbufo ëyom
 ndiwot Mi, koro ikö Mi minyeneke odudu ke esit
 38 mbufo. Ami ndöhö ñkpö eke Ami ñkutde ye Ète
 Mi: mbufo ënyuñ ënam ñkpö eke mbufo ëkopde ye
 39 ëte mbufo. Mö ëbörö Enye, ëte, Ète nyin edi Abraham.
 Jesus ödöhö mö, ete, Mbufo ëma ëkpedi nditö Abraham,
 40 mbufo ëkpenam utom Abraham. Edi kemi mbufo ëyom
 ndiwot Mi, kpa owo emi etinnde akpanikö önö mbufo, eke
 41 ñkopde oto ke Abasi: Abraham ikanamke ntem. Mbufo
 ënam mutom ëte mbufo. Mö ëdöhö Enye, ëte, Nyin
 idige nditö akpara; nyin inyene ëte kiet, kpa Abasi.
 42 Jesus ödöhö mö, ete, Abasi ama ekpedi Ète mbufo,
 mbufo ëkpema Mi: koro Ami ntode ke Abasi ndi; koro
 Ami menyuñ ndige ke Idemmi, edi Enye öködöñ Mi.
 43 Nsinam mbufo mifiökke ikö Mi? Edi suk koro mbufo
 44 mikemeke ndikop uyo Mi. Mbufo ëdi eke ëte mbufo
 devil, mbufo ënyuñ ëma ndinam idiök itöñ ëte mbufo.
 Enye edi owot-owo ötöñöde ke eritöñö, ikönyuñ idaha ke
 akpanikö, koro akpanikö miduhe kesit esie. Kini enye
 osude nsu, enye ödöhö oto ke idemesie: koro enye edide

JOHN 9.

45 osu-nsu, ye ète nsu. Edi koro Ami ntũnde akpanikö,
 46 mbufo inĩmke Mi ke akpanikö. Anie owo mbufo owut
 Mi idiõñkpö Mi? Edieke Ami ndõhöde akpanikö, nsinam
 47 mbufo minĩmke Mi ke akpanikö? Enye emi otode ke
 Abasi okop ikö Abasi: oto ke ñkpö emi mbufo ikopke,
 48 koro mbufo mitoho ke Abasi. Me-Jew ebörö ète,
 Nte nyĩn itĩmke idõhö ite, Afo edi owo Samaria,
 49 õmõnyũ enyene demon? Jesus ebörö ete, Ami 'nyeneke
 demon; edi Ami ñkpono Ète Mi, ndien mbufo esuene Mi.
 50 Edi Ami nyomke ukpono Idemmi: Kiet odu emi oyomde
 51 *ukpono Mi* õnyũ ekpede ikpe. Kakpan ke ndõhö
 mbufo, nte, Edieke owo onĩmde uyo Mi, enye idique mkpa
 52 ke nsinsi. Me-Jew edõhö Enye, ète, Nyĩn imõfiök ndien ite,
 Afo emenyene demon. Abraham ama akpa, ye me-pro-
 phet; ndien Afo ete, Edieke owo onĩmde ikö Fo, enye
 53 iditabike mkpa ke nsinsi. Nte Afo omokpon akan ète
 nyĩn Abraham emi akpade? me-prophet enyũ ekpaña:
 54 Afo onĩm Idemfo ke anie? Jesus ebörö ete, Ami 'ma
 ñkpono Idemmi, ukpono Mi idige ñkpö: ke edi Ète Mi eke
 okponode Mi; emi mbufo edõhöde ète, Enye edi Abasi
 55 mbufo; ndien mbufo ifiökke Enye: ke edi Ami mõfiök
 Enye; ndien edieke Ami ñkpõdõhöde nte, mfiökke Enye,
 mkpakabare ndi osu-nsu nte mbufo: edi Ami mõfiök Enye,
 56 'nyũ 'nĩm ikö Esie. Ète mbufo Abraham akadara ndikut
 57 usen Mi; ndien enye okut, õnyũ adaresit. Ndien
 Me-Jew edõhö Enye, ète, Afo usĩmke kaña isua aba ye
 58 duop, nte Afo omokut Abraham? Jesus ebörö mö,
 ete, Kakpan ke ndõhö mbufo, nte, Ke Abraham mika-
 59 iduhe kaña, Ami ndodu. Oto do mö emen itiat ète itõñö
 Enye: edi Jesus odip Idemesie, õnyũ õwörö ke temple.

9 NDIEN nte Enye asañade ebe, Enye okut owo emi edide
 2 'nan oto ke emana esie. Ndien mbet Esie ebup Enye, ète,
 Rabbi, anie akanam idiõñkpö, ndi owo emi, me ndi ète ye
 3 eka esie, eke esinde enye amana 'nan? Jesus ebörö ete, Idige
 owo emi inyũ idige ète ye eka esie ekenam idiõñkpö: edi
 4 man utom Abasi ekpeyarare ke enye. Nyĩn inyene ndinam
 utom Enye emi õkõdõnde Mi, kini edide uwemeyo:
 okoneyo ke edi emi baba owo kiet mikemeke ndinam utom.
 5 Adaña ini nte Ami ndodu ke ererĩmbot, Ami ndi uñwana
 6 ererĩmbot. Ke Enye ama õkõdõhö ntem, Enye õkõk
 etap ke isõñ, anam mbat ke etap oro, ndien eyet mbat

JOHN 9.

7 oro ke enyìn esie, önyuñ ödöhö enye, ete, Ka keyere ke
 mkpödiökhömöñ Siloam (emi öwöröde ete, Enye emi
 8 usuñ. Ndien Enye aka ekeyere, önyuñ afiak edi okut
 mbemiso ète, enye ekedi ebeñe ebeñe, ödöhö ète, Nte emi
 9 idige enye oro eketiede ebeñe ebeñe? Me-owo efen ète,
 10 Edi enye : efen ète, Idige, edi ebièt enye. Enye ödöhö ete,
 Ami ndi enye. Ndien mö ödöhö enye, ète, Didie ndien ke
 11 èketat fi enyìn? Enye öbörö ete, Owo oro ekerede Jesus
 akanam mbat eyet mi ke enyìn, önyuñ ödöhö mi, ete, Ka
 ke Siloam, nyuñ yere : ntre ami ñka ñkeyere, 'nyuñ ñkut
 12 usuñ. Ndien mö ödöhö enye, ète, Enye odu möñ? Enye
 ete, Mfiökke.

13 Mö èda enye emi ekedide 'nan ètiene Me-Pharisee.
 14 Ndien ekedi ke sabbath ke Jesus akanam mbat önyuñ
 15 atat enye enyìn. Ntem Me-Pharisee ètöñö ntak èbup
 enye ñko, nte enye okokutde usuñ. Ndien enye ödöhö
 mö, ete, Enye eyet mbat ke enyìn mi, ndien ami ñkeyere
 16 'nyuñ ñkut usuñ. Ndien ndusuk Me-Pharisee ödöhö ète,
 Owo emi itoho ke Abasi, koro Enye minimke sabbath.
 Edi owo eñwen ète, Didie ke owo emi edide abiat-ibet
 ekeme ndinam midiöñö ntem? Ndien mö èbakhare.
 17 Ndien mö ètöñö ntak ödöhö 'nan oro, ète, Afo ödöhö
 didie abaña Enye, sia Enye atatde fi enyìn? Enye öbörö
 18 ete, Enye edi prophet. Edi Me-Jew inimke ke akpanikö
 ibaña enye, ite, enye ekedi 'nan, ndien okut usuñ,
 tutu mö èkot ète ye eka owo emi èkenamde enye okut
 19 usuñ èdi, ènyuñ èbup mö, ète, Nte owo emi edi eyen mbufo,
 emi mbufo ödöhöde ète enye akamana 'nan? Didie ndien
 20 ke enye okut usuñ kemi? Ète ye eka esie èbörö ète,
 Nyìn imöfiök ite enye edi eyen nyìn, ye nte enye akama-
 21 nade 'nan : edi nte enye okutde usuñ kemi, nyìn ifiökke ; ye
 owo emi atatde enye enyìn, nyìn ifiökke : èbup enye ;
 22 enye okpon ; enye eyetiñ ikö idemesie. Ète ye eka
 esie ödöhö ikö emi, koro mö èfeghede Me-Jew : koro
 Me-Jew èma èkediomi ète, owo ama onyime Enye,
 ete, Enye edi Christ, èyebìn enye öwörö ke synagogue.
 23 Oto oro ète ye eka esie ödöhö ète, enye okpon ; èbup enye.
 24 Ntre mö ètöñö ntak èkot owo oro ekedide 'nan edi, ènyuñ
 ödöhö enye, ète, Nö Abasi ukpono : nyìn imöfiök ite owo
 25 emi edi abiat-ibet. Edi enye öbörö ete, Me Enye edi
 abiat-ibet, ami mfiökke ; ñkpö kiet ke ami mfiök,

JOHN 10.

mö iditieneke esen owo, edi eyefeñe ekpöñ enye : koro mö
6 midiöñöke uyo esen owo. Jesus otop ñke emi önö mö ;
edi mö ifökke ñkpö oro Enye ödöhöde mö.

7 Ndien Jesus ötöñö ntak ödöhö mö, ete, Kakpan ke
8 ndöhö mbufo, nte, Ami ndi usuñ meröñ. Kpukpru owo
emi ebemde Mi iso edi inö ye ñwo : edi meröñ ikopke
9 uyo mö. Ami ndi usuñ : edieke owo odukde ke Ami,
eyenyaña enye, enye eyenyuñ oduk önyuñ öwörö, önyuñ
10 okut udia. Inö idige, iböhöke man oyip, önyuñ owot,
önyuñ osobo : Ami ñkedi man mö enyene uwem, enyuñ
11 enyene enye awak akan. Ami ndi eti andikpeme eröñ :
eti andikpeme eröñ önö uwem Esie kabaña meröñ.
12 Anam-utom ke okuk, emi midige andikpeme eröñ, emi
meröñ minyeneke enye, okut nte ekpe edide, önyuñ
ökpöñ meröñ, efeghe, ndien ekpe omum mö, önyuñ
13 asuan mö ; (*enye efeghe* koro enye edide anam-utom ke
14 okuk, minyuñ ikereke meröñ. Ami ndi eti andikpeme
15 eröñ ; ndien Ami mödiöñö okimmö, okimmö enyuñ
ediöñö Mi, kpa nte Ète ödiöñöde Mi, Ami mönyuñ ndiöñö
16 Ète ; ndien Ami 'nö uwem Mi kibuot meröñ. Ndien Ami
menyene meröñ eñwen, emi midige eke ufök emi : mö ke
Ami 'nyene ndida ndi ñko, mö eyenyuñ ekop uyo Mi ;
ndien mö eyekabare edi otu eröñ kiet, Andikpeme eröñ
17 önyuñ edi kiet. Oto emi Ète ama Mi, koro Ami nyakde
18 uwem Mi, man ntöñö ntak nda enye. Baba owo kiet
iböhö Mi uwem, edi Ami 'ma nyak enye ke Idemmi.
Ami menyene odudu ndiyak enye, mönyuñ 'nyene odudu
nditöñö ntak nda enye. Item emi ke Ami ñköbö Ète Mi.

19 Eribakhare ötöñö ntak otibe kotu Me-Jew kabaña
20 me-ikö emi. Ndien ekese mö ödöhö ète, Enye enyene
demon, önyuñ adama idat ; nsinam mbufo ekpañde utöñ
21 önö Enye ? Owo eñwen ebörö ète, Memö emi idige ikö
owo emi enyenede demon. Nte demon emekeme nditat
'nan enyìn ?

22 Ndier edi ini usörö erinam *temple* asana ke Jerusalem :
23 önyuñ edi ini etuep ; ndien Jesus asasaña ke temple ke
24 eteghe Solomon. Ndien Me-Jew ekanare Enye ekuk,
enyuñ ödöhö Enye, ète, Adaña didie ke Afo edisìn nyìn
25 iyik ? Afo ama edi Christ, tīm sian nyìn. Jesus öbörö
mö, ete, Ami 'ma nsian mbufo, ndier mbufo inīmke ke
akpanikö : me-utom oro Ami 'namde ke enyìn Ète Mi
26 etiñ ikö ntiense ebaña Mi. Edi mbufo inīmke ke akpan-

JOHN 11.

27 ikö, koro mbufo mitoho ke meröñ Mi. Meröñ Mi ekop
uyo Mi, Ami mönyuñ ndiöñö mö, mö enyuñ etiene Mi :
28 ndien Ami 'nö mö nsinsi uwem ; mö idinyuñ itakke ke
nsinsi, baba owo kiet idinyuñ ifabakere mö ke ubök Mi
29 isio. Ète Mi, emi adade mö önö Mi, okpon akan kpukpru ;
ndien baba owo kiet ikemeke ndifabare mö ke ubök Ète
30 nsio. Ami ye Ète Mi idi kiet. Me-Jew etöñö ntak étañ
32 itiat ète itöñö Enye. Jesus öbörö mö, ete, 'Ma ñwut mbufo
ediwak nti utom èto ke Ète ; ke ewe utom oro ke mbufo
33 èyom nditöñö Mi ke itiat ? Me-Jew èbörö Enye, ète,
Kabaña eti utom nyin itöñöke Fi ke itiat, edi kabaña
isuñi ; ye, koro Afo, emi edide owo, onimde idem nte Abasi.
34 Jesus öbörö mö, ete, Nte ikewetke ke ibet mbufo ite, Ami
35 ñködöhö nte, Mbufo edi me-abasi ? Edieke Enye okokot-
de mö me-abasi, emi uyo Abasi eketienede mö (ndien ñwed
36 Abasi ikemeke ndikpu), nte mbufo emedöhö èbaña Enye
emi Ète akanamde asana ökönyuñ ödöñde edi ke ererimbot,
ete, Afo omosuñi ; koro Ami ndöhöde nte, Ami ndi Eyen
37 Abasi ? Edieke Ami menamke mutom Ète Mi, ekunim Mi
38 ke akpanikö. Edi Ami 'ma 'nam mö, okposuk edi mbufo
minimke Mi ke akpanikö, enim idem utom oro ke akpan-
ikö : man mbufo èfiök, man otim añwaña önö mbufo ñko,
39 ete, Ète odu ke esit Mi, ye Ami ke esit Ète. Mö etöñö
ntak èyom ndimum Enye : ndien Enye öwörö öböhö mö
ke ubök.
40 Ndien Enye ötöñö ntak ebe Jordan aka ke ebiët emi
41 John ekebemde iso onim baptism ; önyuñ etie do. Ndien
ediwak owo etiene Enye ; ndien mö ödöhö ète, Ke akpanikö
John ikanamke idiöñö : edi kpukpru ñkpö oro John
42 öködöhöde abaña owo emi edi akpanikö. Ndien ediwak
owo enim Enye ke akpanikö do.

11 EKEM owo kiet emi ekerede Lazarus, owo Bethany, obio
2 Mary ye Martha eyen-eka esie, ödöñö. Edi Mary oro
akadade ufuöñkpö eyet Öböñ, ökönyuñ öquöhörede ukot
Esie ke idet esie, emi Lazarus eyen-eka esie eren ödöñöde.
3 Ndien nditö-eka iban oro ödöñ èkedöhö Enye, ète, Öböñ,
4 sese, enye emi Afo amade ke ödöñö. Edi kini Jesus
okopde, Enye ödöhö ete, Udöñö emi idige eke mkpa, edi
kabaña ukpono Abasi, man oto do ekpono Eyen Abasi.
5 Jesus ama Martha, ye eyen-eka esie añwan, ye Lazarus.
6 Mödo kini Enye okopde ete enye ke ödöñö, Enye osuk

JOHN 11.

7 etie usen iba ke ebiēt oro Enye odude. Ndien ke emi
 ebede Enye ödöhö mbet Esie, ete, Ēyak nyin itöñö ntak
 8 ika ke Judæa. Mbet Esie ödöhö Enye, ete, Rabbi, kpa
 idahemi ke Me-Jew ekeyom nditöñö Fi ke itiat; ndien
 9 nte Afo möñ ötöñö ntak aka do? Jesus öbörö ete, Nte
 idige ñkanika duopeba edu ke uwemeyo? owo ama asaña
 ke uwemeyo, enye ituakke ukot, koro enye okutde uñwana
 10 ererimbot emi. Edi owo ama asaña ke okoneyo, enye
 11 atuak ukot, koro uñwana, miduhe ye enye. Enye
 ödöhö ikö emi: ndien ke ama öködöhö ntem, Enye
 ödöhö mö, ete, Lazarus ufan nyin ke ede; edi Ami möñ
 12 ñka, man ndemere enye ke idap. Mbet Esie ödöhö Enye,
 ete, Öböñ, enye ama ede idap, idem eyefere enye.
 13 Jesus ödöhö abaña mkpa esie: edi mö ekere ete, Enye
 14 ödöhö abaña eriduök-odudu ke idap. Ndien Jesus
 15 otim ödöhö mö, ete, Lazarus akpa. Ndien esit adat Mi
 kabaña mbufo koro Ami meñkoduhe do, man mbufo
 16 enim ke akpanikö; edi eyak nyin ibine enye. Ndien
 Thomas, emi ekerede Didymus, ödöhö mbet eñwen, ete,
 Yak nyin inyuñ ika man ikpaña ye Enye.
 17 Ntre kini Jesus osimde do, Enye okut ete enye ama
 18 ana ke udi usen inañ. Bethany ekpere Jerusalem,
 19 oyom usuñ ñkpö nte mile iba; ndien ediwak Me-Jew ema
 etiene Martha ye Mary, man ödön mö esit kabaña eyen-eka
 20 mö. Ntem kini Martha okopde ete Jesus ke edi, enye aka
 21 okosobo ye Enye: edi Mary osuk etie ke ufök. Ndien
 Martha ödöhö Jesus, ete, Öböñ, Afo ama okpodu mi, eyen-
 22 eka mi ikpekpaha. Ndien kpa kemi möfiök nte, ñkpö
 23 ekededi Afo edibeñede Abasi, Abasi eyenö Fi. Jesus ödöhö
 24 enye, ete, Eyen-uka eyetöñö ntak eset. Martha ete Enye,
 25 Möfiök nte enye eyeset ke eriset ke akpatre usen. Jesus
 ödöhö enye, ete, Ami ndi eriset ye uwem: enye emi
 öbuötde idem ye Ami, okposuk edi nte enye akpade,
 26 eyedu uwem: ndien owo ekededi emi odude uwem önyuñ
 öbuötde idem ye Ami idikpaha ke nsinsi. Nte afo omonim
 27 emi ke akpanikö? Enye öbörö Enye, ete, Ih, Öböñ, ami
 monim ke akpanikö nte, Afo edi Christ Eyen Abasi, kpa
 28 Enye emi edide ke ererimbot. Ndien ke enye ama
 öködöhö emi, enye aka okokot Mary eyen-eka esie ke
 29 ndibe, ete, Andikpep mömi, ke önyuñ okot fi. Ndien kini
 enye okopde, enye adakha kenyöñ iwiwa etiene Enye.
 30 (Jesus ika-idukke ke ekpri obio oro kaña, edi osuk odu ke

JOHN 11.

- 31 ebiēt oro Martha okosobode ye Enye.) Ndien kini Me-Jew emi ēdude ye enye ke ufök, ēnyuñ ēdōñde enye esīt. ēkutde nte Mary adakhade kenyōñ iwiwa önyuñ öwöröde, mö ētiene enye, ēkere ēte, enye aka ke udi nditua eyet do.
- 32 Ndien Mary, kini enye osimde ebiēt oro Jesus odude, önyuñ okutde Enye, öduö Enye ke ukot, önyuñ ödöhö Enye, ete,
- 33 Öböñ, Afo ama okpodu mi, eyen-eka mi ikpekpaha. Ntem kini Jesus okutde enye atuade eyet, ye Me-Jew emi ētienede enye nte étuañade ñko, Enye omum ke spirit,
- 34 mfukhö önyuñ anam Enye, Enye önyuñ ödöhö ete, Mbufo ēkenim enye ke ebiēt ewe? Mö ödöhö Enye, ēte,
- 35 Öböñ, Di dise. Jesus atua eyet. Ntem Me-Jew ödöhö
- 36 ēte, Sese, nte Enye amade enye! Edi ndusuk mö ödöhö
- 37 ēte, Nte owo emi akatatde enyìn enye emi ekedide 'nan,
- 38 ikpekemeke ndikpan owo emi ndikpa? Ndien Jesus ötöñö ntak omum ke esīt Esie önyuñ edi ke udi. Udi edi
- 39 aba, itiat önyuñ ebere ke inua esie. Jesus ödöhö ete, Mbufo ēmen itiat ēfep. Martha, eyen-eka akpa-mkpa, ödöhö Enye, ete, Öböñ, kemi enye ke etebe: koro usen
- 40 inañ ēbe nte enye akakpa. Jesus ödöhö enye, ete, Nte Ami ñködöhöke fi, nte, Afo ama onim ke akpanikö, afo eyekut
- 41 uböñ Abasi? Ndien mö ēmen itiat ēfep. Ndien Jesus emenere enyìn Esie, önyuñ ödöhö ete, Ète, mököm Fi
- 42 koro Afo okopde uyo Mi. Ndien Ami möfiök nte Afo okokop uyo Mi kpukpru ini: edi Ami ndöhö ntem kabaña otu owo emi ēdade mi, man mö ēnim ke akpanikö
- 43 ēte Afo öködöñ Mi. Ndien ke Enye ama öködöhö ntre,
- 44 Enye ofiori ke ökpösöñ uyo, ete, Lazarus, wörö di. Akpa-mkpa öwörö edi, ewañ enye ubök ye ukot ke öföñ udi; önyuñ ēböp iso esie ke ubak öföñ. Jesus ödöhö mö, ete, Ètat enye, önyuñ esana enye eyak.
- 45 Ndien ediwak Me-Jew, emi ēketienede Mary ēkenyuñ
- 46 ēkutde se Enye anamde, ēnim Enye ke akpanikö. Edi ndusuk mö ēdakha ētiene Me-Pharisee, önyuñ ebuk enö mö se Jesus akanamde.
- 47 Ndien ikpö oku ye Me-Pharisee ēkot esop ēbono, önyuñ ödöhö ēte, Nso ke nyin inam ntem? koro owo emi ke
- 48 ananam ediwak midiöñö. Nyin ima iyak Enye anam ntem, kpukpru owo eyenim Enye ke akpanikö: ndien
- 49 Me-Roman eyedi ēdibö nyin obio ye idut nyin. Edi Caiaphas, owo mö kiet, emi edide aqua oku ke isua oro,
- 50 ödöhö mö, ete, Mbufo ifökke baba ñkpö kiet, mbufo inyuñ

JOHN 12.

ique ite öfön nte owo kiet akpakpade kibuoť mblöbío,
51 man öfuri öbío ökunyüñ étak. Enye idöhöke ntem
ke idemesie : edi koro enye edide aqua oku ke isua oro,
enye etiñ prophecy ete, Jesus edikpa kibuoť öbío oro ;
52 ndien idige kibuoť öbío oro ikpöñ, edi man Enye obon
53 ötö kiet kpukpru nditö Abasi emi ësuanade. Ntre
ötöñöde ke usen oro mö ëdiomi ndiwot Enye.

54 Mödo Jesus isañake aba añwa añwa kuföt Me-Jew, edi
adakha do aka ke ebiët emi ekperede wilderness, okoduk ke
öbío emi ekerede Ephraim ; önyüñ etie do ye mbet Esie.
55 Passover Me-Jew ekpere : ndien ediwak owo ëto ke
iñwañ ëdök ëka ke Jerusalem ëbem passover iso, ndinam
56 idemmö ësana. Ndien mö ëyom Jesus, ënyüñ ëdöhö
kiet ye eken nte mö ëdade ke temple, ëte, Mbufo ëkere
57 didie ? Nte Enye ididige usörö ? Ndien ikpö oku ye
Me-Pharisee ëma ëwuk ëte, owo ekededi ama öfiök
ebiët emi Enye odude, yak enye asian, man mö ëmum
Enye.

12 NDIEN Jesus ebem passover iso usen itiokiet edi ke
Bethany, ebiët eke Lazarus odude, emi Jesus akanamde
2 enye eset ke mkpa. Ndien mö ënam usörö ënö Enye
do : ndien Martha otim ñkpö ; edi Lazarus edi owo mö
3 kiet emi ëtiede ke itie-udia ye Enye. Ntem Mary ada
pound ufuöñkpö spiknard, ata ñkpö uto, eyet ukot Jesus,
önyüñ öquöhöre ukot Esie ke idet esie : ndien utebe
4 ufuöñkpö öyöhö ufök. Edi Judas Iscariot, owo mbet
5 Esie kiet, emi editapde Enye, ödöhö ete, Nsinam
minyamke ufuöñkpö emi ibö okuk ikie ita, inö ubuene ?
6 Enye idöhöke ntem koro enye ekerede ubuene ; edi
koro enye edide inö, önyüñ akamade ekpat, ndien ososio
7 se isinede kesit. Ntem Jesus ödöhö ete, Eyak enye anam
8 emi abaña usen eribuk Mi. Koro mbufo ënyenede
mubuene ye mbufo kpukpru ini ; edi mbufo inyeneke
Mi kpukpru ini.

9 Ndien mbiöbío Me-Jew ëkop ëte Enye odu do : ndien
mö ëdi, idige kabaña Jesus ikpöñ ikpöñ, edi man mö
ënyüñ ëkut Lazarus, emi Enye akanamde eset ke mkpa.
10 Edi ikpö oku ëdiomi ëte ikpewot Lazarus ñko, koro
11 otode ke enye ediwak Me-Jew ëdakha ënyüñ ënim Jesus
ke akpanikö.

12 Mkpöñ aqua otu owo emi ekedide usörö, ke mö ëkopde

JOHN 12.

13 ète Jesus ke asaña edi ke Jerusalem, ëda ndak eyop
ëwöñö ndisobo ye Enye, ënyuñ ëfiori ète,

Hosanna :

Ètoro Enye emi edide ke enyiñ Jehovah,
Kpa Edidem Israel.

14 Ndien adañemi Jesus okutde abak ass, Enye odoro kesit,
nte ëwetde ète,

15 Kufeghe, Adiaha Zion :
Sese, Edidem fo ke edi,
Ke odoro abak ass.

16 Mbet Esie ifiökke ñkpö emi ke akpa : edi kini Jesus
ama okoduk ke uböñ, ndien mö èti ète, ëkewet
ñkpö emi ëbaña Enye, ète, mö ëkenyuñ ënam ñkpö emi
17 ënö Enye. Ndien otu owo emi ëkedude ye Enye kini
Enye okotde Lazarus öwörö ke udi, önyuñ anamde Enye
18 eset ke mkpa, ëdöhö ikö ntiense. Oto ke ñkpö emi ñko
otu owo ëka ëkesobo ye Enye, koro mö ëkopde ète, Enye
19 ama anam idiöñö emi. Ntem Me-Pharisee ëdöhö
kotu idemmö ète, Èse nte mbufo mikemeke ñkpö : sese,
ererimbot ke etiene Enye.

20 Ndusuk Me-Greek ëdu kotu mö emi ëdökde ëka
21 ndituak ibuoat ke usörö : ndien memö emi ètiene Philip,
emi otode ke Bethsaida ke Galilee, ënyuñ ëbup enye, ète,
22 Öböñ, nyin iyom ndikut Jesus. Philip edi edidöhö
23 Andrew : Andrew ye Philip ëdi edidöhö Jesus. Ndien
Jesus öbörö mö, ete, Ini ekem, nte ëkpenöde Eyen owo
24 uböñ. Kakpan ke ndöhö mbufo, nte, Ke mkpasip ibokpot
miduöhö ke isöñ inyuñ ikpa, enye osuk odu ke idemesie
ikpöñ ; edi enye ama akpa, enye oñwom ediwak mfri.

25 Enye emi amade uwem esie öduök enye ; ndien enye emi
asuade uwem esie ke ererimbot emi eyenim enye önö
26 nsinsi uwem. Owo ekededi ama anam ñkpö önö Mi, yak
enye ebine Mi ; ndien ebiët eke Ami ndude, do ke asa-
utom mi edinyuñ odu ñko : owo ama anam ñkpö önö
27 Mi, Ète Mi eyekpono enye. Kemi spirit Mi öfukhö ;
ndien nso ke Ami ndidöhö ? Ète, nyaña Mi ke ñkanika
emi. Edi kabaña ñkpö emi ke Ami ndi nsim ñkanika
28 emi. Ète, kpono enyiñ Fo. Ndien uyo oto ke enyöñ
ete, Ami 'ma ñkpono enye, nyenyuñ ntöñö ntak ñkpono
29 enye ñko. Ndien otu owo emi ëdade do ënyuñ ëkopde,
ëdöhö ète, enyöñ atuak : mö eñwen ète, Angel etiñ
30 ikö ye enye. Jesus ödöhö ete, Uyo emi idige kabaña

JOHN 12.

- 31 Mi, edi kabaña mbufo. Emi edi ini ikpe ererĩmbot
 32 emi: kemi eyeduök öböñ ererĩmbot emi. Ndien Ami,
 ke ëma ëmen Mi ëkpöñ isöñ, nyedudi kpukpru owo
 33 ëtiene Mi. Enye ödöhö emi owut oruk mkpa eke Enye
 34 edikpade. Ndien otu owo ëbörö Enye, ëte, Nyin ima
 ikop ke ibet ite, Christ ododu ke nsinsi: ndien didie
 ke Afo ödöhö ete, Ënyene ndimen Eyen owo kenyöñ? anie
 35 edi Eyen owo emi? Ntem Jesus ödöhö mö, ete, Ke ini
 esisit kaña uñwana ododu kotu mbufo. Ësaña adaña ini
 nte mbufo ënyenede uñwana, man ekim okusim mbufo:
 ndien enye emi asañade ke ekim ifiökke ebiët eke enye
 36 akade. Adaña ini nte mbufo ënyenede uñwana, ëbuöt
 idem ke uñwana, man mbufo ëkabare ëdi nditö uñwana.
 37 Jesus ödöhö ñkpö emi, önyuñ adakha odibe mö. Edi
 okposuk edi nte Enye anamde adaña ediwak midiöñö
 38 oro kiso mö, mö ibuötke idem ye Enye: man ikö prophet
 Isaiah osu emi enye öködöhöde ete,
 Öböñ, anie onim mbuk nyin ke akpanikö?
 Ubök Jehovah önyuñ ayarare önö anie?
 39 Oto ke ñkpö emi mö ikemeke ndinim ke akpanikö, koro
 Isaiah ötöñöde ntak ödöhö ete,
 40 Enye ama otibi mö enyin, önyuñ anam esit mö ösöñ;
 Mbak mö ëdida enyin mö ëkut, ënyuñ ëda esit mö ëfiök,
 Ënyuñ ëkabare,
 Ndien Ami mkpökök udöñö mö.
 41 Isaiah ödöhö me-ñkpö emi, koro enye okutde uböñ esie;
 42 ndien enye ödöhö abaña Enye. Edi kpa ediwak mendi-
 kara ënim Enye ke akpanikö; edi oto ke Me-Pharisee
 mö iyarakere, mbak mö ëdibin mö ke synagogue ëfep:
 43 koro mö ëmade ukpono owo ëkan ukpono Abasi.
 44 Ndien Jesus ofiori önyuñ ödöhö ete, Enye emi öbuötde
 idem ye Ami, ibuötke idem ye Ami, edi ye Enye emi
 45 öködöñde Mi. Ndien enye emi okutde Mi, okut Enye
 46 emi öködöñde Mi. Ami medi nte uñwana ke ererĩmbot,
 man owo ekededi emi öbuötde idem ye Ami okutie ke
 47 ekim. Ndien owo ekededi ama okop ikö Mi, ndien
 minimke mö, Ami ñkpehe ikpe esie: koro Ami ñkedige
 48 ndikpe ikpe ererĩmbot, edi ndinyaña ererĩmbot. Enye
 emi esinde Mi, minyuñ ikopke ikö Mi, enyene kiet emi
 ekpede ikpe esie: ikö oro Ami ndöhöde, kpa enye edikpe
 49 ikpe esie ke akpatre usen. Koro Ami ñködöhöke oto ke
 Idemmi; edi Ëte emi öködöñde Mi, Enye ama eteme

JOHN 13.

50 Mi, se Ami ñkpodöhöde ye se Ami ñkpetiñde. Ndien Ami möfiök nte item Esie edi nsinsi uwem : mödo me-ñkpö eke Ami ntiñde, kpa nte Ète ökodöhöde Mi, ntre ke Ami ntiñ.

13 KE usörö passover mika-itöñöke kaña, Jesus, ke öfiökde ete, ini Esie ama edi nte Enye akpadakhade öwörö ke ererimbot emi, etiene Ète, ke erima Esiemö emi edude
 2 ke ererimbot, Enye amama mö osim akpatre. Ndien ke ini udia mbubreyo, ke devil esinde ke esit Judas Iscariot
 3 eyen Simon nditap Enye, *Jesus* öföfiök ete, Ète ama ada kpukpru ñkpö esin ke ubök Esie, ye nte Enye otode
 4 ke Abasi önyuñ oyomde nditiene Abasi, adakha ökpöñ itie-udia, önyuñ ökpönöre me-öföñidem Esie onim ; önyuñ
 5 ada uquöhöre-idem öböp Idemesie. Ndien Enye ötökhö möñ esin ke uyet-ubök, önyuñ ötöñö ndiyet mbet Esie
 6 ukot, 'nyuñ 'nquöhöre mö ke uquöhöre-idem eke Enye öböböde. Ntre Enye osim Simon Peter. Enye ödöhö
 7 Enye, ete, Öböñ, nte Afo möñ eyet ukot mi ? Jesus öbörö enye, ete, Se Ami 'namde afo ufiökke kemi : edi afo eyefiök
 8 ke ini iso. Peter ödöhö Enye, ete, Afo uduyetke ukot mi ke nsinsi. Jesus öbörö enye, ete, Ke Ami menyetke
 9 fi, afo unyeneke udeme ye Ami. Simon Peter ödöhö Enye, ete, Öböñ, idige ukot mi ikpöñ, edi ubök ye ibuot
 10 mi nde. Jesus ete enye, Enye emi eyerede möñ ama iyomke aba ndiyere iböhöke ukot esie, edi asana öfuri
 11 öfuri : ndien mbufo emesana, edi idige kpukpru. Koro Enye öfiökde enye emi editapde Enye ; mödo Enye ödöhö ete, Idige kpukpru mbufo esana.
 12 Ntre ke Enye ama ekeyet ukot mö ama, önyuñ emen öföñidem Esie esine, önyuñ ösukhöre etie ñko, Enye ödöhö mö, ete, Nte mbufo emefiök se Ami 'namde
 13 ye mbufo ? Mbufo ekot Mi ète, Andikpep ye Öböñ : ndien mbufo emetim ödöhö ; koro Ami ndide ntre.
 14 Edieke Ami ndien, Öböñ ye Andikpep, nyetde mbufo
 15 ukot, mbufo nde nde ekpeyet ukot kiet eken. Koro Ami 'ma ñwut mbufo ido, man mbufo nde ekpenam kpa
 16 nte Ami 'namde ye mbufo. Kakpan ke ndöhö mbufo, nte, asañutom ikponke ikan Ète ufök esie ; isuñutom
 17 inyuñ ikponke ikan andidöñ enye. Mbufo ema efiök me-ñkpö emi, öföfön önö mbufo edieke mbufo enamde mö.
 18 Ami ndöhöke mbaña kpukpru mbufo : Ami möfiök mö

JOHN 13.

emi 'mekde : cdi man se ewetde osu ete, Enye emi adia
19 udia Mi ama emenere nditiñ-ikpat esie atiga Mi. Toto
ke ini emi modöhö mbufo ke ñkpö emi mika-itibeke
kaña, man, kini otibede, mbufo enim ke akpanikö ete,
20 Ami ndi *Enye*. Kakpan ke ndöhö mbufo, nte, Enye emi
onyimede owo ekededi emi Ami ndidönde onyime Mi ;
ndien enye emi onyimede Mi onyime Enye emi öködönde
Mi.

21 Ke Jesus ama öködöhö ntem, Enye ofukhö ke
spirit, önyuñ ösöñ uyo ödöhö ete, Ami motim ndöhö
22 mbufo, nte, owo mbufo kiet eyetap Mi. Mbet Esie ese
23 kiet eken, eyik owo eke Enye ödöhöde abaña. Owo mbet
Esie kiet emi Jesus amade odu ke okpokoro emi eberede
24 ke ikpanesit Jesus. Simon Peter ofuñ ubök önö enye,
25 ete, Sian nyin owo emi Enye etiñde abaña. Enye
ke eberede ke ikpanesit Jesus, kpa nte eketiede,
26 ödöhö Enye, ete, Edi anie, Öböñ ? Ndien Jesus öbörö
ete, Edi enye emi Ami ndinöde uyo, kini ndebide enye.
Ntre ke Enye ama ekedebi uyo, Enye ada önö Judas,
27 eyen Simon Iscariot. Ndien ke enye ama ököbö uyo
oro, Satan oduk ke esit esie. Ndien Jesus ödöhö enye,
28 ete, Se afo oyomde ndinam, nam iwiwa. Edi baba owo
kiet ke okpokoro ifiökke ntak eke Enye ödöhöde enye
29 ntem. Koro ndusuk owo ekerede ete, oto koro Judas
akamade ekpat, Jesus ödöhö enye, ete, Dep ñkpö eke
nyin idiyomde ke abaña usörö ; me, nte enye ökpönöde
30 ubuene ñkpö. Ndien ke enye öböde uyo oro ndo ndo oro
enye öwörö : ndien ekedi okoneyo.

31 Ke enye ama ököwörö, Jesus ödöhö ete, Kemi
ekpono Eyen owo, Abasi önyuñ ada ukpono ke Enye ;
32 Abasi eyenyuñ okpono Enye ke Idemesie, eyenyuñ
33 okpono Enye idaha kiet. Ñkpri nditö Mi, Ami nsuk
ndodu ye mbufo ke ini esisit. Mbufo eyeyom Mi : ndien
nte Ami ndöhöde Me-Jew, nte, Ebiët emi Ami ñkade,
mbufo ikemeke ndidi ; kpa ntre ke Ami ndöhö mbufo
34 kemi. Öbufa ibet ke Ami 'nö mbufo, nte, mbufo ëma
kiet eken ; mbufo ënyuñ ëma kiet eken kpa nte Ami
35 'made mbufo. Kpukpru owo eyeda emi ëfiök ete mbufo
ëdi mbet Mi, ke mbufo ëma ëma kiet eken.

36 Simon Peter ödöhö Enye, ete, Ebiët ewe ke Afo akaka ?
Jesus öbörö ete, Ebiët eke Ami ñkade, afo ukemeke
37 nditiene Mi kemi ; edi afo eyetiene Mi usuk usuk. Peter

JOHN 14.

ödöhö Enye, ete, Öböñ, nsinam ami meñkemeke nditiene
 38 Fi kemi? Nyeduök uwem mi kabaña Fi. Jesus öbörö
 ete, Nte afo eyeduök uwem fo kabaña Mi? Kakpan ke
 ndöhö fi, nte, Ekikö idikpökke, tutu afo akañ Mi
 utim ikata.

14 ÈKUYAK esit etimere mbufo: mbufo èbuöt idem ye
 2 Abasi, èbuöt idem ye Ami ñko. Ke ufök Ète Mi ediwak
 ebiët iduñ èdu; mikpedige ntre, Ami ñkpödöhö mbufo;
 3 koro Ami möñ ñka nditim itie 'nò mbufo. Ndien Ami 'ma
 ñka 'nyuñ ntim itie 'nò mbufo, nyetönö ntak ndi, 'nyuñ nda
 mbufo ke Idemmi; man ke ebiët eke Ami ndude, mbufo
 4 èdu ñko. Ndien ebiët eke Ami ñkade, mbufo emefiök
 5 usuñ. Thomas ödöhö Enye, ete, Öböñ, nyin ifiökke ebiët
 6 eke Afo akade; didie ke nyin ifiök usuñ? Jesus ödöhö
 enye, ete, Ami ndi usuñ, ye akpanikö, ye uwem: baba owo
 7 kiet itieneke Ète iböhöke ke Ami. Mbufo èma èkpefiök
 Mi, mbufo èkpenyuñ èfiök Ète Mi ñko: toto ke ini
 8 emi mbufo emefiök Enye, ènyuñ èkut Enye. Philip
 ete Enye, Öböñ, wut nyin Ète, ndien oro ekem nyin.
 9 Jesus ete enye, Nte Ami modu ye mbufo adaña anyan
 ini emi, ndien afo ufiökke Mi, Philip? owo ama okut
 10 Mi okut Ète; didie ke afo ödöhö ete, Wut nyin Ète? Nte
 afo unimke ke akpanikö, ete, Ami ndu ke Ète, ye Ète ke
 Ami? ikö oro Ami ndöhöde mbufo ndöhöke oto ke
 Idemmi: edi Ète emi odude kesit Mi anam utom Esie.
 11 Ènim uyo Mi ke akpanikö ète, Ami ndu kesit Ète, ye Ète
 kesit Mi: midige ntre ènim Mi ke akpanikö kabaña idem
 12 utom. Kakpan ke ndöhö mbufo, nte, Enye emi öbuötde
 idem ye Ami, utom eke Ami 'namde ke enye edinam ñko;
 enye eyenyuñ anam utom emi okponde akan me mö emi:
 13 koro Ami ntienede Ète. Ndien ñkpö ekededi eke mbufo
 èdibeñede ke enyiñ Mi, oro ke Ami ndinam, man Ète
 14 enyene ukpono ke Eyen. Mbufo èma èbeñe ñkpö ke
 15 enyiñ Mi, Ami nyenam oro. Edieke mbufo èmade Mi,
 16 mbufo èyenim mbet Mi. Ndien Ami nyekpe Ète ubök,
 Enye eyenyuñ önö mbufo Iberedem efen, man Enye
 17 odu ye mbufo ke nsinsi, kpa Spirit akpanikö: emi
 ererimbot mikemeke ndinyime; koro mique Enye,
 minyuñ ifiökke Enye: mbufo emefiök Enye; koro Enye
 18 odude ye mbufo, edinyuñ odude ke esit mbufo. Ami
 ndikpönke mbufo nte nditö-akpa: Ami nyetiene mbufo.

JOHN 15.

19 Osuk ekpri ini esisit, ndien ererĩmbot ique Mi aba ; edi
 mbufo ěkut Mi : koro Ami ndude uwem, mbufo ěyenyuń
 20 ědu uwem ñko. Ke usen oro mbufo ěyefiök ěte Ami ndu
 21 ke ěte Mi, ye mbufo ke Ami, ye Ami ke mbufo. Enye
 emi enyenede mbet Mi, önyuń onĩmde mö, edi enye ama
 Mi : ndien enye emi amade Mi, ěte Mi eyema enye, Ami
 nyenyuń 'ma enye, nyenyuń nyarare Idemmi 'nö enye.
 22 Judas (idige Iscariot) ödöhö Enye, ete, Öböń, nsinam Afo
 ediyararede Idemfo önö nyĩn, edi unöńö ererĩmbot ?
 23 Jesus öböřö enye, ete, Edieke owo amade Mi, enye
 eyenĩm ikö Mi : ndien ěte Mi eyema enye, nyĩn iyenyuń
 24 itiene enye, inyuń iduń ye enye. Enye emi mimańa Mi
 inĩmke ikö Mi : ndien ikö oro mbufo ěkopde idige
 okĩmmö, edi eke ěte emi öködöńde Mi.
 25 Ami 'ma ndöhö mbufo ñkpö emi kini ndude ye
 26 mbufo *kańa*. Edi Iberedem, kpa Edisana Spirit, emi
 ěte edidöńde ke enyĩn Mi, Enye eyekpep mbufo kpukpru
 ñkpö, eyenyuń anam mbufo ěti kpukpru ñkpö oro Ami
 27 ñködöhöde mbufo. Emem ke Ami ñkpöń 'nö mbufo ;
 emem Mi ke Ami 'nö mbufo : idige nte ererĩmbot önöde ke
 Ami 'nö mbufo. ěkuyak esit etĩmere mbufo, ěkunyüń
 28 ěfeghe ndik. Mbufo ěma ěkop nte Ami ñködöhöde
 mbufo, nte, Ami möń 'nyöń, 'nyuń mfiak ntiene mbufo.
 Edieke mbufo ěmade Mi, mbufo ěkpedara, koro Ami
 29 ntienede ěte : koro ěte okponde akan Mi. Ndien kemi
 Ami 'ma ndöhö mbufo ke ñkpö emi mika-itĩbeke kańa, man,
 30 kini ětĩbede, mbufo ěnĩm ke akpanikö. Ndöhöke aba
 ediwak ikö ye mbufo, koro Öböń ererĩmbot emi ke edi :
 31 enye inyuń inyeneke baba ñkpö kiet kesit Mi ; edi man
 ererĩmbot ěfiök ěte Ami 'mama ěte, ndien nte ěte ökönöde
 Mi item, kpa ntre ke Ami 'nam. ědakha kenyöń, ěyak
 nyĩn iwörö ke ebiět emi.

15 Ami ndi ata vine, ndien ěte Mi edi andikpeme ińwań.
 2 Kpukpru ñkök kiet kiet kesit Mi emi mińwomke mfri,
 Enye osĩbe efep, ndien kpukpru ñkök kiet kiet emi
 ońwomde mfri, Enye ödödiöń, man enye ońwom mfri
 3 awak akan. Kemi mbufo ěmesana oto ke ikö emi
 4 Ami ndöhöde mbufo. ědu kesit Mi, Ami 'nyuń ndu kesit
 mbufo. Nte ñkök mikemeke ndińwom mfri ke idemesie,
 iböhöke enye odu ke vine ; kpa suk ntre mbufo inyuń
 5 ikemeke, iböhöke mbufo ědu kesit Mi. Ami ndi vine,

JOHN 15.

mbufo ēdi me-ñkōk: Enye emi odude kesit Mi, Ami 'nyuñ ndude kesit esie, kpa enye oñwom ediwak mfri: koro ke eridianare ye Ami mbufo ikemeke ndinam ñkpō.

6 Edieke owo miduhe kesit Mi, ēduōk enye nte ñkōk, enye önyuñ eyemere; ndien ētañ mö ēsīn ke ikañ, önyuñ ēföp

7 mö. Mbufo ēma ēdu kesit Mi, ikō Mi ama önyuñ odu kesit mbufo, ēbeñe ñkpō ekededi eke mbufo ēyeyom,

8 ndien ēyenam ēnō mbufo. Ke ñkpō emi Ète Mi enyene ukpono, emi mbufo ēñwomde ediwak mfri; ndien ntre ke

9 mbufo ēdidi mbet Mi. Kpa nte Ète amade Mi, ke Ami

10 'nyuñ 'ma mbufo: ēsuk ēdu ke ima Mi. Mbufo ēma ēnīm mbet Mi, mbufo ēyedu ke ima Mi; kpa nte Ami

11 'nīmde mbet Ète Mi, 'nyuñ ndude ke ima Esie. Me-ñkpō emi ke Ami ndöhō mbufo, man idaresit Mi odu kesit mbufo.

12 *man* idaresit mbufo önyuñ öyöhō. Emi edi ibet Mi, ete,

13 mbufo ēma kiet eken kpa nte Ami 'made mbufo. Baba owo kiet inyeneke ima eke okponde akan emi, nte owo

14 önōde uwem esie kabaña mufan esie. Mbufo ēdi mufan Mi, ke mbufo ēnamde me-ñkpō eke Ami ntemede mbufo.

15 Ñkotke aba mbufo ifn; koro ofn mifiōkke se ēte esie anamde: edi ñkot mbufo mufan; koro Ami 'ma nsian mbufo kpukpru ñkpō oro Ami ñkopde oto

16 ke Ète Mi. Mbufo ikemekke Mi, edi Ami ñkemek mbufo, 'nyuñ 'nīm mbufo, man mbufo ēka ēkeñwom mfri, man mfri mbufo önyuñ ebīgi: man ñkpō ekededi eke mbufo ēdibeñede Ète ke enyiñ Mi, Enye ökpönō mbufo.

17 Me-ñkpō emi ke Ami ñwuk mbufo, nte, mbufo ēma kiet

18 eken. Edieke ererimbot ēsuade mbufo, mbufo ēmefiök

19 ēte mö ēkebem iso ēsua Mi ndien ēsua mbufo. Mbufo ēkpedi eke ererimbot, ererimbot ēkpema esiemō: edi koro mbufo midige eke ererimbot, edi Ami ñkemek mbufo

20 nsio ke ererimbot, ntem ke ererimbot ēsua mbufo. Èti ikō oro Ami ñködöhōde mbufo, nte, ofn ikponke ikan ēte esie. Edieke mö ēkekōböde Mi, ēyenīm eke

21 mbufo ñko; edieke mö ēkenimde ikō Mi, ēyenīm eke

22 öködöñde Mi. Edieke Ami meñkpedige 'nyuñ ntiñ ye mö, mö ikpenyeneke idiñkpō: edi kemi mö inyeneke se ekpe-

23 börōde ēbaña idiñkpō mö. Enye emi asuade Mi asua Ète

24 Mi nde. Ke Ami meñkpanamke kotu mö me-utom eke baba owo efen mikanamke, mö ikpenyeneke idiñkpō:

JOHN 16.

edi kemi mö ěma ěkut ěnyuñ ěsua Mi ye Ęte Mi nde.
 25 Edi *ñkpö emi öwörö*, man ikö oro ěwetde ke ibet mö osu,
 26 ěte, Mö ěkesua Mi ke ikpikpu. Edi kini Iberedem
 edide, emi Ami ndidöñde etiene mbufo oto ke Ęte,
 kpa Spirit akpanikö emi otode ke Ęte, Enye eyetĩñ ikö
 27 ntiense abaña Mi: mbufo ěnyuñ ětĩñ ikö ntiense ñko,
 koro mbufo ěma ěkedu ye Ami toto ke eritöñö.

16 MIKÖ emi ke Ami ndöhö mbufo, man ěkusĩn mbufo
 2 ěduö. Mö ěyebĩn mbufo ěfep ke me-synagogue: ini ke
 önyuñ edi eke owo ekededi emi ediwotde mbufo edikerede
 3 ete, imö inam ñkpö inö Abasi. Ndien mö ěyenam me-
 4 ñkpö emi, koro mö mifiökke Ęte, me Mi. Edi Ami
 'ma ndöhö mbufo me-ñkpö emi, man kadañemi ini mö
 edide, mbufo ěkpeti mö, ěte, Ami 'ma ndöhö mbufo.
 Ndien Ami ñkodöhöke mbufo me-ñkpö emi toto ke eritöñö,
 5 koro Ami ñkodude ye mbufo. Edi kemi Ami möñ ntiene
 Enye emi ökodöñde Mi; ndien baba owo mbufo kiet
 6 ibupke Mi, ite, Afo aka möñ? Edi koro Ami ndöhöde
 mbufo me-ñkpö emi, mfukhö ömöyöhö ke esit mbufo.
 7 Edi Ami ndöhö mbufo akpanikö; nte, öfön ye mbufo
 nte Ami 'nyöñde: koro ke Ami menyöñke, Iberedem
 iditieneke mbufo; edi Ami 'ma 'nyöñ, nyedöñ Enye etiene
 8 mbufo. Ndien Enye, kini Enye edide, eyenam ikpe
 obiom ererĩmbot kabaña idiöñkpö, ye edinen ido, ye ikpe:
 9 kabaña idiöñkpö, koro mö minimke Mi ke akpanikö;
 10 kabaña edinen ido, koro Ami ntienede Ęte, ndien mbufo
 11 ique Mi aba; kabaña ikpe, koro ěma ěkpe ikpe öböñ
 12 ererĩmbot emi. Ami menyene kaña ediwak ikö ndidöhö
 13 mbufo, edi mbufo ikemeke ndikop mö kemi. Edi kadañemi
 Enye, kpa Spirit akpanikö, ama edi, Enye eyeteme mbufo
 ěsaña ke öfuri akpanikö: koro Enye miditĩñke ito ke
 Idemesie; edi Enye eyetĩñ ñkpö ekededi eke Enye okopde:
 14 Enye eyenyuñ asian mbufo ñkpö eke ědidide. Enye
 eyekpono Mi: koro Enye edidade okimmö asian mbufo.
 15 Kpukpru ñkpö ekededi eke Ęte enyenede ědi okim: ntre
 ke Ami ndöhö nte, Enye edida se edide okim, eyenyuñ
 16 asian mbufo. Ke ekpri ini esisit, ndien mbufo idique Mi
 aba, ndien ke ekpri ini esisit ñko, mbufo ěyenyuñ ěkut Mi.
 17 Mödo *ndusuk* mbet Esie ědöhö kiet ye eken, ěte, Nso ke
 Enye ödöhö nyĩn ntem, ete, Ke ekpri ini esisit, ndien
 mbufo idique Mi; ndien ke ekpri ini esisit ñko mbufo

JOHN 17.

18 eyenyuñ ekut Mi: Koro Ami ntienede Ète? Ndien
 mö ödöhö ète, Nso ke Enye ödöhö ntem, ete, Ekpri ini
 19 esisit? Nyin ifiökke se Enye ödöhöde. Jesus öfiök ete
 mö eyom ndibup Enye, ndien Enye ödöhö mö, ete, Nte
 mbufo ke ebume kotu mbufo kabaña ñkpö emi Ami
 ndöhöde, nte, Ke ekpri ini esisit, ndien mbufo idique
 Mi, ndien ke ekpri ini esisit ñko, mbufo eyenyuñ ekut
 20 Mi? Kakpan ke ndöhö mbufo, nte, mbufo eyetuaña
 enyuñ èseme, edi ererimbot eyedara: mbufo eyefukhö,
 21 edi mfukhö mbufo eyekabare edi idara. Kini uman
 otukde ñwan enye odu ke mfukhö, koro ini esie ekemde:
 edi kini enye amande eyen ama, enye itihi aba ndutukhö,
 oto ke idara koro eyen eren amanade oduk ke ererimbot.
 22 Mödo mbufo edu ke mfukhö kemi: edi Ami nyetönö ntak
 ñkut mbufo, ndien esit eyedat mbufo, ndien baba owo kiet
 23 idiböhö mbufo idara mbufo. Ndien ke usen oro mbufo
 idibupke Mi baba ñkpö kiet. Kakpan ke ndöhö mbufo,
 nte, Mbufo ëma ëbeñe Ète ñkpö ekededi, Enye eyenö
 24 mbufo ke enyiñ Mi. Tutu osim emi mbufo ibeñeke kaña
 ñkpö ke enyiñ Mi: ëbeñe, ndien mbufo eyebö, man
 idara mbufo öyöhö.
 25 Mikö emi ke Ami ndöhö mbufo ke ñke: ini ke edi
 eke Ami mendidöhöke mbufo aba ke ñke, edi nyetim
 26 nsian mbufo mbaña Ète. Ke usen oro mbufo eyebeñe ke
 enyiñ Mi: ndien Ami ndöhöke nte, nyekpe Ète ubök 'nö
 27 mbufo; koro Ète ke Idemesie amama mbufo, koro mbufo
 ekemade Mi, ëkenyuñ enimde ke akpanikö ète, Ami nto
 28 ke Ète ñwörö. Ami ñkoto ke Ète, 'nyuñ ndi ke ererimbot:
 29 Ami ñkpön ererimbot ñko, 'nyuñ ntiene Ète. Mbet Esie
 ödöhö ète, Sese, kemi Afo ototim asian, unyuñ udöhöke ke
 30 ñke. Kemi nyin imöfiök ite, Afo öfiök kpukpru ñkpö,
 unyuñ uyomke owo obup Fi: nyin ida emi inim ke
 31 akpanikö ite, Afo okoto ke Abasi öwörö edi. Jesus öborö
 32 mö, ete, Nte mbufo ëmenim ke akpanikö kemi? Sese,
 ini ke edi, önyuñ ededi ama, eke mbufo edisuanade,
 kpukpru owo kiet kiet ke ebiët esiemö, enyuñ ëkpön Mi
 ikpön: edi Ami nduhe ikpön, koro Ète odude ye Ami.
 33 Ami mödöhö mbufo me-ñkpö emi, man mbufo ënyene
 emem ke Ami. Ke ererimbot mbufo eyekut ukut: edi
 ësön esit; Ami 'ma ñkan ererimbot.

17 JESUS ödöhö ikö emi; ndien emenere enyin Esie

JOHN 17.

ese enyõñ, ödöhö ete, Ète, ini edi; kpono Eyen Fo,
 2 man Eyen okpono Fi: kpa nte Afo ökönöde Enye odudu
 ndikara kpukpru öbukidem, man owo ekededi emi Afo
 3 ökönöde Enye, Enye ökpönö mö nsinsi uwem. Ndien
 emi edi nsinsi uwem, nte mö ëkpefiökde Fi ata Abasi
 kierakiet, ye Enye emi Afo öködöñde, kpa Jesus Christ.
 4 Ami ñkokpono Fi ke isõñ, ke 'ma ñkanam utom emi Afo
 5 ökönöde Mi ete 'nam. Ndien kemi, O Ète, kpono Mi
 ke ñkañ Fo ye ukpono eke Ami ñkenyenede ye Afo ke
 6 ererĩbot mika-iduhe kaña. Ami ñkayarare enyĩñ Fo
 'nõ me-owo eke Afo okosiode ke ererĩbot önö Mi: mö
 ekedi Okuo, ndien Afo akada mö önö Mi; ndien mö ëma
 7 ënim ikö Fo. Kemi mö ëfiök ëte, kpukpru ñkpö ekededi
 8 eke Afo ökönöde Mi ëto Fi: koro Ami 'ma 'nõ mö
 me-ikö emi Afo ökönöde Mi; ndien mö ënyĩme mö,
 ënyuñ ëfiök ke akpanikö ëte, Ami ñkoto Fi ñwörö, mö
 9 ënyuñ ënim ke akpanikö ëte, Afo öködöñ Mi. Ami
 mekpe ubök 'nõ mö: mkpehe ubök 'nõ ererĩbot, edi
 'nõ mö oro Afo önöde Mi; koro mö ëdide Okuo:
 10 ndien kpukpru ñkpö eke ëdide Okim edi Okuo, Okuo
 ënyuñ edi Okim: ndien Ami menyene ukpono kesit mö.
 11 Ami nduhe aba ke ererĩbot, ndien mö ëdu ke ererĩbot,
 ndien Ami ntiene Fi. Edisana Ète, kpeme mö ke enyĩñ
 Fo eke Afo ökönöde Mi, man mö edi kiet, kpa nte nyin
 12 *idide*. Kini Ami ñkodude ye mö, Ami ñkekpeme ke enyĩñ
 Fo mö eke Afo ökönöde Mi: Ami 'nyuñ ntiñ enyin ñkpeme
 mö, ndien baba owo mö kiet itakke, ke miböhöke eyen
 13 nsobo; man se ewetde okposu. Edi kemi Ami ntiene
 Fi; ndien Ami ndöhö me-ñkpö emi ke ererĩbot, man
 14 mö ënyene idaresit Mi öyöhö kesit mö. Ami 'ma 'nõ mö
 ikö Fo, ndien ererĩbot ësua mö, koro mö midige eke
 15 ererĩbot, kpa nte Ami mendige eke ererĩbot. Ami
 ñkpehe ubök nte, Afo okposio mö ke ererĩbot efep, edi
 16 nte Afo ekpekpeme mö ke idiök. Mö idige eke ererĩbot,
 17 kpa nte Ami mendige eke ererĩbot. Nam mö ësana oto
 18 ke akpanikö: ikö Fo edi akpanikö. Nte Afo öködöñde
 Mi ke ererĩbot, kpa ntre ke Ami ndöñ mö ëduk ke
 19 ererĩbot. Ndien kabaña mö Ami 'nam Idemmi nsana,
 20 man ënam mö ke idemmö ësana ñko oto akpanikö. Ami
 'nyuñ mkpehe ubök 'nõ memö emi ikpöñ, edi 'nõ mö emi
 ëbuötde idem ye Ami ñko oto ke ikö mö; man kpukpru mö
 21 edi kiet; kpa nte Afo, Ète, ke Ami, ye Ami ke Afo, man

JOHN 18.

mö ënyuñ ëdu ke nyin : man ererimbot ënim ke akpanikö
22 ëte, Afo öködöñ Mi. Ndien ukpono eke Afo ökönöde
Mi Ami 'ma 'nö mö ; man mö ëdi kiet, kpa nte Nyin idide
23 kiet ; Ami kesit mö, ye Afo kesit Mi, man mö ëfön ëma
ke eridi kiet ; man ererimbot ëfiök ëte, Afo öködöñ Mi,
24 ökönyuñ ama mö, kpa nte Afo akamade Mi. Ète, Ami
moyom nte, mö ñko eke Afo ökönöde Mi ëdu ye Ami ke
ebiët eke Ami ndude ; man mö ëkut uböñ Mi, eke Afo
ökönöde Mi : koro Afo akamade Mi ke mika-itöñöke kaña
25 ndibot ererimbot. O edinen Ète, ererimbot ikefiökke Fi,
edi Ami 'ma mfiök Fi ; ndien memö emi ëfiök ëte, Afo
26 öködöñ Mi ; ndien Ami ñkayarare enyiñ Fo 'nö mö,
nyenyuñ nyarare enye ; man ima eke Afo akamade Mi
odu kesit mö, Ami 'nyuñ ndu kesit mö.

18 KE Jesus ama öködöhö ikö emi, Enye öwörö ye
mbet Esie ebe idim Kidron, aka ke öto emi iñwan mfi
odude, eke Enye ke Idemesie ye mbet Esie ëdukde.
2 Ndien Judas ñko, emi atapde Enye, öfiök ebiët oro, koro
3 Jesus awakde ndika do ye mbet Esie. Ndien Judas, ke
enye ama ököbö ikpö oku ye me-Pharisee udim owo ye
misuñutom, edi do ye mutuenikañ ye nsarañikañ ye ñkpö
4 eñwan. Ndien Jesus, ke öfiökde kpukpru ñkpö oro
ëditionede Enye, öwörö önyuñ obup mö, ete, Mbufo ëyom
5 anie ? Mö ëbörö Enye, ëte, Jesus eyen Nazareth. Jesus
ete mö, Ami ndi Enye. Ndien Judas ñko, emi atapde
6 Enye, ada ye mö. Ndien kini Enye ödöhöde mö, ete,
7 Ami ndi Enye, mö ëfiak edem ëduöñö ke isöñ. Ndien
Enye ötöñö ntak obup mö, ete, Mbufo ëyom anie ? Mö
8 ëbörö ëte, Jesus eyen Nazareth. Jesus ödöhö ete, Ami
'ma ndöhö mbufo, nte, Ami ndi Enye : ndien edieke mbufo
9 ëyomde Mi, ëyak memö emi ënyöñ : man ikö oro Enye
ödöhöde osu, ete, Memö oro Afo ökönöde Mi, Ami nduökke
10 baba kiet. Ndien Simon Peter emi akamade ofut osio
enye, önyuñ ekpi owo aqua oku, osibe enye utöñ
11 nasia. Enyiñ owo oro ekere Malchus. Ndien Jesus
ödöhö Peter, ete, Sin ofut ke efök : cup emi Ète önöde
Mi, nte Ami ndiñwönke enye ?
12 Ntre udim oro ye akamba ëtubom, ye misuñutom me-
13 Jew, ëmum Jesus ënyuñ ëböp Enye, ënyuñ ëbem isc ëda
Enye ëtiene Annas ; koro enye edide ëte ñwan Caiaphas,
14 emi edide aqua oku ke isua oro. Caiaphas edi enye emi

JOHN 18.

ökönöde Me-Jew item ete, öfön nte owo kiet akpakpade kibuot mbiobio.

15 Ndien Simon Peter etiene Jesus, mbet kiet efen önyuñ anam kpa ntre. Ndien mbet oro emi aqua oku ödiöñöde, önyuñ oduk ye Jesus ke okure aqua oku; edi Peter ada
16 ke usuñ ke esien. Ntre mbet eken emi aqua oku ödiöñöde öwörö, önyuñ ödöhö ye ñwan emi ekpemedede usuñ,
17 önyuñ ada Peter oduk. Ndien eyen-añwan oro ekpemedede usuñ ödöhö Peter, ete, Nte afo önyuñ edi mbet owo emi
18 kiet? Enye ete, Ami ndige. Ndien ifn ye misuñutom, ke ëma ëkebara ikañ ukañ, koro tuep odude, ëda do ëwebe ikañ; ndien Peter ñko odu ye mö, ada ewebe ikañ.

19 Ekem aqua oku obup Jesus abaña mbet Esie, ye erikpep
20 Esie. Jesus öbörö enye, ete, Ami 'ma ntĩn 'nö ererĩmbot añwa añwa; kpukpru ini Ami ñkpekpep ke synagogue ye ke temple, ebiët eke kpukpru Me-Jew ëbonode ötö
21 kiet; ndien Ami ntĩnke baba ikö kiet ke ndibe. Nsinam afo obupde Mi? Bup mö emi ëkopde, se Ami ndöhöde
22 mö: sese, mö ëfiök se Ami ñködöhöde. Ndien kini Enye ama öködöhö emi, owo misuñutom kiet emi adade do amia Jesus ke ubök, ete, Afo öbörö aqua oku ntre?
23 Jesus öbörö enye, ete, Ami 'ma ndöhö se idiökde, sian idiök oro: edi 'ma ndöhö edinen, nsinam afo amiade Mi?
24 Ndien Annas önö enye ye uruk ëda ësök Caiaphas aqua oku.

25 Ndien Simon Peter ada do ewebe ikañ. Ndien mö ödöhö enye, ëte, Nte afo edi owo mbet Esie kiet? Enye
26 akañ, önyuñ ödöhö ete, Ami ndige. Ofn aqua oku kiet, emi edide oruk ye enye emi Peter okosibede utöñ esie, ödöhö ete, Nte ami ñkeque fi ke iñwañ mfri ye
27 Enye? Ndien Peter ötöñö ntak akañ: ndien idaha oro ekikö ökpök.

28 Ntem mö ëda Jesus ëdakha ëkpöñ Caiaphas ëkeduk ke ufök andikara: ndien edi usenubök; ndien mö ke idemmö idukke ke ufök andikara, mbak mö ëdidekhe, edi ëkpedia
29 passover. Ndien Pilate öwörö etiene mö, önyuñ ödöhö
30 ete, Nso ke mbufo ëdori owo emi? Mö ëbörö enye, ëte, Edieke owo emi mikpedige anam idiönkpö,
31 nyin ikpadaha Enye isin fi ke ubök. Ndien Pilate ödöhö mö, ete, Mbufo ke idemmbufo ëda Enye ëkpe ikpe Esie nte ibet mbufo asañade. Me-Jew ödöhö enye, ëte, Ewukhö

JOHN 19.

- 32 akpan nyin ndiwot owo ekededi : man ikö Jesus okposu eke Enye ödöhöde, owut oruk mkpa eke Enye edikpade.
- 33 Mödo Pilate ötöñö ntak oduk ke ufök andikara, önyuñ okot Jesus, önyuñ ödöhö Enye, ete, Nte Afo edi Edidem
- 34 Me-Jew ? Jesus öbörö ete, Nte afo ödöhö emi ke idemfo,
- 35 me edi owo efen ödöhö fi ñkpö emi ëbaña Mi ? Pilate öbörö ete, Nte ami ndi Jew ? Obio Fo ye ikpö oku ëda
- 36 Fi ësın ke ubök mi : Afo anam nso ? Jesus öbörö ete, Obio Mi idige eke ererımbot emi : obio Mi ekpedi eke ererımbot emi, misuñutom Mi ëkpeñwana, man ëkusın
- 37 Mi ke ubök Me-Jew : edi kemi obio Mi itoho mi. Ndien Pilate ödöhö Enye, ete, Nte Afo edi edidem ndien ? Jesus öbörö ete, Afo ömödöhö ete, Ami ndi edidem. Kabaña ñkpö emi ke Ami 'mana, kabaña ñkpö emi ke Ami 'nyuñ ndi ke ererımbot, man Ami ntıñ ikö ntiense mbaña akpanikö. Kpukpru owo kiet kiet emi edide eke akpanikö
- 38 okop uyo Mi. Pilate ete Enye, Nsidi akpanikö ?
 Ndien ke enye ama öködöhö emi, enye ötöñö ntak öwörö etiene Me-Jew, önyuñ ödöhö mö, ete, Ami ñque
- 39 idiök ñkpö ye Enye. Edi mbufo ëmenyene ido, nte ami ñkpasanade owo kiet nyak 'nö mbufo ke passover : nte mbufo ëmenyime ndien ëte, ami nsana Edidem Me-Jew
- 40 nyak 'nö mbufo ? Ntem mö ötöñö ntak ëfiori ëte, Idige owo emi, edi Barabbas. Barabbas emi edi owo ñwo.

- 19** NDIEN Pilate ada Jesus amia Enye. Ndien mbon-
- 2 eköñ ëdök anyanya ñkukım, ëyara Enye ke ibuot, ënyuñ
- 3 ësıne Enye ididuot öföñidem ; ndien mö ëtiene Enye, ënyuñ ödöhö ëte, Etia, Edidem Me-Jew ! ndien mö
- 4 ëmia Enye ke ubök mö. Ndien Pilate ötöñö ntak öwörö, önyuñ ödöhö mö, ete, Sese, ami mada Enye ñwörö nsök mbufo, man mbufo ëfiök ëte, ami ñque idiök ye Enye.
- 5 Ndien Jesus öwörö edi, ayara anyanya ñkukım önyuñ
- 6 esıne ididuot öföñidem. Ndien Pilate ete mö, Sese, owo oro ! Ndien kını ikpö oku ye misuñutom ëkutde Enye, mö ëfiori ëte, Eköñ Enye ke cross, eköñ Enye ke cross. Pilate ete mö, Mbufo ëda Enye ëkeköñ ke cross : koro
- 7 ami meñque idiök ye Enye. Me-Jew ëbörö enye, ëte, Nyin imenyene ibet, ndien nte ibet oro asañade Enye odot ndikpa, koro Enye onımde Idemesie nte Eyen Abasi.
- 8 Kini Pilate okopde ikö emi, enye ödödiöñ efeghe
- 9 ndik ; önyuñ ötöñö ntak oduk ke ufök andikara, önyuñ

JOHN 19.

ödöhö Jesus, ete, Afo oto mön? Edi Jesus inöñö enye
 10 ibörö. Ndien Pilate ödöhö Enye, ete, Nte Afo uböröke
 Mi ikö? ufiökke ete, ami menyene odudu ndisana Fi nyak,
 11 mönyuñ 'nyene odudu ndiköñ Fi ke cross? Jesus öbörö
 enye, ete, Afo ukpenyeneke odudu ndinam Mi ñkpö, ke
 minöñö fi oto ke enyöñ: mödo enye emi adade Mi esin
 12 fi ke ubök enyene idiöñkpö eke okponde akan. Ndien
 Pilate oyom ndisana Enye nyak: edi Me-Jew efiori éte,
 afo ama asana owo emi ayak, afo udige ufan Cæsar:
 kpukpru owo kiet kiet emi onimde idemesie ke edidem
 13 ödöhö se abiatde Cæsar. Kini Pilate okopde ikö
 emi, enye ada Jesus öwörö, önyuñ etie ke itie-ikpe
 ke ebiët emi ekerede Isöñ-itiat, edi ke Hebrew, ekere
 14 Gabbatha. Edi usen editim ñkpö passover: edi ñkpö
 nte ñkanika itiokiet. Ndien enye ödöhö Me-Jew, ete,
 15 Sese, Edidem mbufo! Ndien mö efiori éte, Men Enye
 fep, men Enye fep, köñ Enye ke cross. Pilate ete mö,
 Nte ami ndiköñ Edidem mbufo ke cross? Ikpö oku
 ebörö éte, Nyin inyeneke edidem ke miböhöke Cæsar.
 16 Ndien enye ayak Enye önö mö, ete, eköñ Enye ke cross.
 17 Mödo mö éda Jesus: ndien Enye öwörö obiom cross
 ke Idemesie, aka ke ebiët emi ekerede Ebiët Mkpökpörö,
 18 emi êkotde enye ke Hebrew, Golgotha: ebiët eke êköñde
 Enye ke cross, ye owo iba efen ye Enye, kiet ke ubök
 19 kiet, kiet ke ubök eken, ye Jesus ke uföt. Ndien Pilate
 ewet ñwed eridori enyiñ, önyuñ adian ke cross. Ndien
 ewet éte, **JESUS EYEN NAZARETH, EDIDEM ME-JEW.**
 20 Ediwak Me-Jew êkot ñwed eridori enyiñ emi: koro ebiët
 emi êköñde Jesus ke cross ekpere obio: ndien ewet enye
 21 ke Hebrew, ye Latin, ye Greek. Ndien ikpö oku Me-
 Jew ödöhö Pilate, éte, Kuwet ete, Edidem Me-Jew, edi,
 22 nte Enye ödöhöde ete, Ami ndi Edidem Me-Jew. Pilate
 öbörö ete, Se ami ñwetde 'ma ñwewet.
 23 Ndien mbon-eköñ, kini mö éma êkeköñ Jesus ke cross,
 éda edisine-ñkpö Esie ebakhare ke itie inañ, önö owo-
 eköñ kiet itie kiet, owo eköñ kiet itie kiet; ye öföñidem
 Esie ñko: edi öföñidem Esie inyeneke ituak, étöñö ke
 24 enyöñ édök enye öfuri. Ndien mö ödöhö kiet ye eken,
 ete, Eyak nyin ikusiak enye, edi isin afia owo eke enye
 edinyenede: man se ewetde okposu éte,
 Mö edeme edisine-ñkpö Mi ke idemmö,
 Enyuñ esin afia ébaña öföñidem Mi.

JOHN 19.

- 25 Ntem ke mbon-ekõñ ãnam ñkpõ emi. Ndien eka Jesus, ye eyen-eka eka Esie añwan, Mary ñwan Clopas, ye Mary
- 26 Magdalene ãda ãkpere cross Esie. Ndien kini Jesus okutde eka Esie ye mbet emi Enye amade ãdade do,
- 27 Enye ãdõhõ eka Esie, ete, Ñwan, Se, eyen fo ! Ndien Enye ãdõhõ mbet oro, ete, Se, uka ! Ndien ãtõñõde ke ñkanika oro mbet oro ada enye õnyõñ ke ufõk esiemõ.
- 28 Ke emi ebede, Jesus, ke õfiõkde ete ãnam kpukpru ñkpõ ãma, man se ãwetde okposu, ãdõhõ ete, Itõñ asat Mi.
- 29 ãma ãnim otu emi õyõhõde ye vinegar do : ntre mõ ãwuk ndõbõ emi õyõhõde ye vinegar ke hyssop, ãnyuñ
- 30 ãdian ke inua Esie. Kini Jesus atabide vinegar, Enye ãdõhõ ete, Okure : õnyuñ onuk ibuoť Esie, ayak ukpõñ Esie.
- 31 Ndien Me-Jew, koro edide usen editim ñkpõ, man mokpo ãkudu ke cross ke sabbath (koro sabbath oro edide akamba usen), ãbeñe Pilate, ãte, ãbuñ ukot mõ,
- 32 ãnyuñ ãmen mõ ãfep. Ndien mbon-ekõñ ãdi ãdibuñ ukot akpa owo, ye eke enye eken emi ãkõñde ke cross ye
- 33 Enye : edi kini mõ ãsimde Jesus, ãnyuñ ãkutde ãte,
- 34 Enye akpa ama, mõ ibuñke Enye ukot : edi owo mbon-ekõñ kiet okim Enye ke ñkañ ke eduat, ndien
- 35 ndo ndo oro iyip ye mõñ ãwõrõ. Ndien enye emi okutde etañ ikõ ntiense, ndien ikõ ntiense esie edi akpanikõ : ndien enye õfiõk ete enye ãdõhõ akpanikõ, man mbufo ñko
- 36 ãnim ke akpanikõ. Koro me-ñkpõ emi ãwõñõ, man se ãwetde okposu, ãte, Okpõ Esie baba kiet idibuñõke.
37. Ndien ñko ãwet ke ebiõt efen ãte, Mõ ãyese Enye emi mõ ãkekimde.
- 38 Ndien ke me-ñkpõ emi ãbeda, Joseph eyen Arimathæa, emi edide owo mbet Jesus, edi ke ndibe oto ke ndik Me-Jew, ebeñe Pilate, ete, imen okpo Jesus ifep : ndien Pilate onyime. Ndien enye edi edimen okpo Esie efep.
- 39 Nicodemus õnyuñ edi ñko, enye emi ke mbemiso eke-tienede Enye ke okoneyo, ada mbuakha myrrh ye aloes,
- 40 emi udop esie edide ñkpõ nte pound ikie edi. Ntre mõ ãda okpo Jesus ãnyuñ ãwañ enye ke õfõñ linen, ãnyuñ ãsìn
- 41 ufuõñkpõ, nte Me-Jew ãkam ãbukde owo. Ndien ke ebiõt eke ãkõñde Enye ke cross iñwañ mfri odu, õbufa udi õnyuñ odu ke iñwañ mfri oro, eke akananam minimke
- 42 kaña baba owo kiet. Do ke mõ ãnim Jesus kabaña usen eritim ñkpõ Me-Jew, (koro udi ekperede).

JOHN 20.

- 20** EKEM ke akpa *usen* urua Mary Magdalene abak edi ke udi, ke ñkīm-ñwaña, önyuñ okut nte mö ëma ëkemen
2 itiat ke udi ëfep. Ndien enye efeghe etiene Simon Peter, ye mbet efen oro Jesus amade, önyuñ ödöhö mö, ete, Mö ëma ëmen Öböñ ke udi ëfep, ndien nyin ifiökke ebiët eke
3 mö ënimde Enye. Ndien Peter ye mbet eken oro ëwöñö
4 ëka ke udi. Ndien mö mbiba ëfeghe ötö kiet : ndien mbet eken oro efeghe ebe Peter, önyuñ ebem iso osim udi ;
5 ndien önuhö ese, okut öföñ linen anade, edi enye
6 idukke. Ndien Simon Peter etiene enye edi ñko, önyuñ
7 oduk ke udi ; ndien enye okut öföñ linen nte anade, ye öföñ emi ököböböde ke ibuot Esie, nte minafia ye öföñ linen, edi ëfut enye ënim ke ebiët kiet ke idemesie.
8 Ndien mbet eken ñko emi ebemde iso osim udi oduk,
9 ndien enye okut önyuñ onim ke akpanikö. Koro mö mifiökke kaña se ëwetde ëte, Enye enyene ndiset ke mkpa.
10 Ntem mbet oro ëdakha ënyöñ ke ufök mö.
11 Edi Mary ada ekpere udi atua eyet : ntre, nte enye
12 atuade eyet, enye önuhö önyuñ ese kesit udi ; önyuñ okut angel iba ye afia edisine-ñkpö ëtiede, kiet ke ibuot,
13 kiet ke ukot, ke ebiët eke okpo Jesus akanade. Ndien mö ëte enye, Ñwan, afo atua nso ? Enye öböörö mö, ete, Koro mö ëmende Öböñ mi ëfep, ndien ami mifiökke ebiët eke mö
14 ënimde Enye. Ke enye ama öködöhö ntem, enye akabare idem, önyuñ okut Jesus adade, edi ifiökke ite edi Jesus.
15 Jesus ete enye, Ñwan afo atua nso ? afo oyom anie ? Enye ese ete Enye edi andikpeme iñwañ, ödöhö Enye, ete, Öböñ afo ama emen Enye efep, sian mi ebiët eke afo onimde
16 Enye, ndien ami nyemen Enye mfep. Jesus ete enye, Mary. Enye akabare idem önyuñ ödöhö Enye ke usem Hebrew,
17 ete, Rabboni ; oro edi, Andikpep. Jesus ete enye, Kutuk Mi ; koro Ami mendökke kaña ntiene Ète : edi bine nditö-ëte Mi, nyuñ döhö mö, ete, Ami ke ndök ntiene Ète
18 Mi, ye Ète mbufo, Abasi Mi, ye Abasi mbufo. Mary Magdalene edi edidöhö mbet, ete, Ami 'ma ñkut Öböñ ; ye nte Enye ama öködöhö enye mikö emi.
19 Ke mbubreyo usen oro, akpa usen urua, kini ëma ëkeberi usuñ ke ebiët oro mbet ëbonode oto ke ndik Me-Jew, Jesus edi edida ke uföt, önyuñ ödöhö mö, ete, Emem
20 odu ye mbufo. Ndien ke Enye ödöhöde ntem, Enye owut mö ubök Esie, ye ñkañ Esie. Ndien mbet ëdaresit
21 kini mö ëkutde Öböñ. Ndien Jesus ötöñö ntak ödöhö mö,

JOHN 21.

ete, Emem odu ye mbufo. Nte Ète öködönde Mi, kpa
 22 ntre ke Ami 'nyuñ ndöñ mbufo. Ndien ke Enye ama
 öködöhö ntem, Enye öduök mö ibifik ke idem, önyuñ
 23 ödöhö mö, ete, Mbufo ebö Edisana Spirit: mö ekededi eke
 mbufo efende midiöñkpö mö enö mö, emefen enö mö;
 mö ekededi eke mbufo enimde midiöñkpö mö, emenim mö.

24 Edi Thomas, emi ekerede Didymus, owo mbet duopeba
 25 kiet, ikoduhe ye mö kini Jesus edide. Ndien mbet eñwen
 ödöhö enye, ète, Nyin ima ikut Öböñ. Edi enye ödöhö mö,
 ete, Iböhöke ami ñkut nde ökpö uquak ke ubök Esie,
 'nyuñ nsin nuenubök mi ke nde ökpö uquak, 'nyuñ nsin
 ubök mi ke ñkañ Esie, ami ndinimke ke akpanikö.

26 Ñko ke usen itiaeta ebede mbet Esie etöñö nta ebono ke
 ufök, Thomas önyuñ odu ye mö. Ke ëma ekeberi usuñ
 Jesus edi, ada ke uföt mö, önyuñ ödöhö mö, ete, Emem odu
 27 ye mbufo. Ekem Enye ödöhö Thomas, ete, Nyan nuen-
 ubök fo mi, nyuñ se ubök Mi; nyuñ nyan ubök fo sin
 ke ñkañ Mi: kunyuñ unana mbuötidem, edi nim ke
 28 akpanikö. Thomas öbörö Enye, ete, Öböñ mi ye Abasi
 29 mi. Jesus ödöhö enye, ete, Koro afo okutde Mi, afo
 omonim ke akpanikö: öföfön önö mö emi mique, ndien
 enimde ke akpanikö.

30 Jesus akanam ediwak midiöñö eñwen ke iso mbet
 31 Esie, emi miwetke ke ñwed emi: edi ewet memö emi,
 man mbufo enim ke akpanikö ète, Jesus edi Christ, Eyen
 Abasi; man ke erinim ke akpanikö mbufo ekpenyene
 uwem ke enyñ Esie.

21 KE ñkpö emi ebete Jesus ötöñö nta ayarare Idemesie
 önö mbet Esie ke inyañ Tiberias; Enye önyuñ ayarare
 2 Idemesie ntem. Simon Peter, ye Thomas emi ekerede
 Didymus, ye Nathanael eyen Cana ke Galilee, ye nditö
 3 Zebedee iren, ye mbet Esie iba efen edu ötö kiet. Simon
 Peter ödöhö mö, ete, Ami möñ ñka ñkökö iyak. Mö ète
 enye, Nyin ñko möñ itiene fi ika. Mö ewöñö enyuñ ediere
 4 ke ubom; ndien ke okoneyo oro mö imumke ñkpö. Edi ke
 eyo oyomde ndisiere, Jesus ada ke esuk: edi mbet ifökke
 5 ite edi Jesus. Ndien Jesus ödöhö mö, ete, Nditö, nte
 mbufo emenyene se ediade? Mö ebörö Enye, ète, I'ih.
 6 Ndien Enye ödöhö mö, ete, Eduök iyire ke ñkañ ubom
 nasia, ndien mbufo eyekut. Mö eduök, ndien kemi mö
 7 ikemeke ndikot enye oto ke uwak iyak. Ndien mbet oro

JOHN 21.

Jesus amade ödöhö Peter, ete, Edi Öböñ. Ntre ke Simon
 Peter okopde ete edi Öböñ, enye awañ öföñidem esie ke
 8 idem (koro enye etiede iferi), önyuñ öduö ke inyañ. Edi
 mbet efen edi ke ekpri ubom oro (koro mö miyomke usuñ
 ye obot, edi ñkpö nte esit aba ye duop), ke ödudi iyire ye
 9 iyak. Ntre kini mö esimde ke obot, mö ekut ikañ ukañ
 10 do, ye iyak edorode kesit, ye uyo. Jesus ödöhö mö, ete,
 11 Éda usuk iyak eke mbufo emumde kemi edi. Ntem
 Simon Peter oduk ke ubom önyuñ odudi iyire edi ke obot,
 öyöhö ye ikpö iyak, ikie ye aba ye duopeta : ndien okposuk
 12 edi nte ewakde ntem, iyire iwakhake. Jesus ödöhö mö,
 ete, Édi edidia ñkpö. Ndien baba mbet kiet inyeneke
 uko ndibup Enye, ete, Afo edi anie ? efefiök ete, edi Öböñ.
 13 Jesus edi edimen uyo önö mö, ye iyak nde. Emi anam
 14 utim ikata eke Jesus ayararede Idemesie önö mbet, ke
 Enye ama ekeset ke mkpa.
 15 Ntre ke mö édiade udia éma, Jesus ödöhö Simon Peter,
 ete, Simon, eyen John, nte afo amama Mi akan memö emi ?
 Enye öbörö Enye, ete, Ih, Öböñ ; Afo ömöfiök ete, ami
 mama Fi. Enye ödöhö enye, ete, Bök nditö-eröñ Mi.
 16 Enye ötöñö ntak ödöhö enye utim ikaba, ete, Simon, eyen
 John, nte afo amama Mi ? Enye öbörö Enye, ete, Ih,
 Öböñ ; Afo ömöfiök ete, ami 'mama Fi. Enye ödöhö enye,
 17 ete, Kpeme meröñ Mi. Enye ödöhö enye utim ikata, ete,
 Simon, eyen John, nte afo amama Mi ? Peter öfukhö koro
 Enye ödöhöde enye utim ikata, ete, Nte afo amama Mi ?
 Ndien enye öbörö Enye, ete, Öböñ, Afo ömöfiök kpukpru
 ñkpö ; Afo ömöfiök ete, ami 'mama Fi. Jesus ödöhö enye,
 18 ete, Bök meröñ Mi. Kakpan ke ndöhö fi, nte, Kini afo
 ekedide akparawa, afo ököböbö mböbö, önyuñ asaña aka ke
 ebiët eke afo amade : edi kini afo edisöñde, afo eyenyan
 ubök fo, ndien owo eñwen eyeböp fi mböbö, önyuñ emen
 19 fi aka ebiët eke afo mumaña. Enye ödöhö emi owut oruk
 mkpa eke enye edikponode Abasi kesit. Ndien ke Enye
 ama öködöhö ntem, Enye ödöhö enye, ete, Tiene Mi.
 20 Peter öwöñöre okut mbet oro Jesus amade ke etiene ;
 kpa enye emi ekeberede ke ikpanesit Esie ke itie-udia,
 21 önyuñ ödöhöde ete, Öböñ, anie editap Fi ? Ndien
 Peter ke okutde enye ödöhö Jesus, ete, Öböñ, owo emi
 22 edinyuñ anam nso ? Jesus öbörö enye, ete, Edieke Ami
 'made nte enye odu uwem tutu Ami ndi, afo asaña nso do ?
 23 afo tiene Mi. Ndien ikö emi akasuana kotu nditö-ète, ete,

mbet oro idikpaha : edi Jesus idöhöke enye, ite, enye idikpaha ; edi ödöhö ete, Edieke Ami 'made nte enye odu uwem tutu Ami ndi, afo asaña nso do ?

24 Emi edi mbet oro etĩnde ikö ntiense abaña me-ñkpö emi, önyuñ ewetde me-ñkpö emi : ndien nyin imöfiök ite ikö ntiense esie edi akpanikö.

25 Ndien ediwak ñkpö eñwen eke Jesus akanamde ënyuñ ëdu, emi ekpedi nte ewetde mö kpukpru kiet kiet, etie mi nte kpa idem ererĩmbot ikpekemeke ndikama me-ñwed eke ëkpewetde.